

四庫全書

集部

欽定四庫全書

五百家註柳先生集卷十六

說

天說

黃曰韓文公登華而哭有悲絲泣岐之意惟沈
頗能知之今其言曰人能賊元氣陰陽而殘人
者則有功益有激而云柳子因而為之說謂天
地元氣陰陽不能賞功而罰惡要其歸欲以仁
義自信其說當矣然曰天不能賞罰善惡者何
自而勸沮乎韓文公曰今之言性者雜佛老而
言正為柳子說也韓曰劉禹錫云子厚作天說
以折述之之言非所以盡天人之際故作天論

三篇以極其辯然公繼與高錫書云凡子之論乃吾天說注疏耳高錫天論今附此後

韓愈謂柳子曰若知天之說乎吾為子言天之說今夫

人有疾痛倦辱饑寒甚者因仰而呼天曰殘民者昌佑

民者殃又仰而呼天曰何為使至此極戾也若是者舉

不能知天夫果肱

重曰按許慎說文在木曰果在地曰肱張晏云有核曰果無核曰肱應邵

云木實曰果草實曰肱又一說云有殼曰果無殼曰肱○肱魯果切

飲食既壞蟲生之人

之血氣敗逆壅底為癰瘍疣贅癰痔

重曰說文癰腫也瘍頭瘡贅謂贅肉

瘻頭腫一曰久創痔後病也○癰音邑瘻音陽疣音尤贅朱芮切瘻音漏痔文里切

蟲生之木朽

而蝸中

張曰蝸音呂木中
蟲非螫蟲音歌者

草腐而螢飛

腐爛也
音輔

是豈不

以壞而後出耶物壞蟲由之生元氣陰陽之壞人由之

生蟲之生而物益壞食齧之

齧
結切

攻穴之蟲之禍物也

滋甚其有能去之者有功於物者也繁而息之者物之

讎也人之壞元氣陰陽也亦滋甚墾原田

張曰墾耕
治也音懇

伐

山林鑿泉以井飲窾墓以送死

窾空也
音款

而又穴為偃洩

重曰偃洩也溺謂之
洩音苑○偃一作匿

築為牆垣城郭臺榭觀游疏為川

瀆溝洫陂池燧木以燔

劉曰燔焚也
音煩燧音遂

革金以鎔陶甄琢

磨

甄居
延切

悴然使天地萬物不得其情

悴情
醉切

倖倖衝衝

倖
音

幸

攻殘敗撓而未嘗息其為禍元氣陰陽也不甚於蟲

之所為乎吾意有能殘斯人使日薄歲削禍元氣陰陽

者滋少是則有功於天地者也繁而息之者天地之讎

也今夫人舉不能知天

人下一
有之字

故為是呼且怨也吾意

天聞其呼且怨則有功者受賞必大矣其禍焉者受罰

亦大矣子以吾言為何如柳子曰子誠有激而為是耶

則信辯且美矣吾能終其說彼上而玄者世謂之天下

而黃者世謂之地渾然而中處者世為之元氣寒而暑者世謂之陰陽是雖大無異果蓏癰痔草木也假而有能去其攻穴者是物也其能有報乎蕃而息之者其能有怒乎天地大果蓏也元氣大癰痔也陰陽大草木也其烏能賞功而罰禍乎功者自功禍者自禍欲望其實罰者大謬呼而怨欲望其哀且仁者愈大謬矣子而信子之仁義以遊其內生而死爾烏置存亡得喪於果蓏癰痔草木耶

天論上

世之言天者二道焉拘於昭昭者則曰天與人實影
響禍必以罪降福必以善徠窮阨而呼必可聞隱痛
而祈必可答如有物的然以宰者故陰陽之說騰焉
泥於冥冥者則曰天與人實判異霆震於畜木未嘗
在罪春滋乎堇荼未嘗擇善跖躋焉而遂孔顏焉而
厄是茫乎無有宰者故自然之說勝焉余之友河東
解人柳子厚作天說以折韓退之之言文信美矣茲

有激而云非所以盡天人之際故余作天論以極其辯云
大凡入形器者皆有能有不能天有形之大者也入動物
之尤者也天之能人固不能也人之能天亦有所不能也
故余曰天與人交相勝耳其說曰天之道在生植其用在
強弱人之道在法制其用是在是非陽而阜生陰而肅殺
水火傷物木堅金利壯而武健老而耗耗氣雄相君力
雄相長天之能也陽而蓺樹陰而挈斂防害用濡禁焚
用光斬材竅堅液礦硃鉉義制強訐禮分長幼右賢尚

功建極閑邪人之能也人能勝乎天者法也法大行則是為公是非為公非天下之人蹈道必賞違之必罰當其賞三旌之貴萬鍾之祿處之咸曰宜何也為善而然也當其罰雖族屬之夷刀鋸之慘處之咸曰宜何也為惡而然也故其人曰天何預乃事耶唯告虔報本肆類授時之禮曰天而已矣福兮可以善取禍兮可以惡召矣預乎天邪法小弛則是非駁賞不必盡善罰不必盡惡或賢而尊顯時以不肖參焉或過而僂辱時以不

辜參焉故其人曰彼宜然而信然理也彼不當然而
固然豈理邪天也福或可以詐取而禍或可以苟免
人道駁故天命之說亦駁焉法大弛則是非易位賞
恒在佞而罰恒在直義不足以制其強刑不足以勝
其非人之能勝天之具盡喪矣夫實已喪而名徒存彼
昧者方挈挈然提無實之名欲抗乎言天者斯數窮
矣故曰天之所以能者生萬物也人之所能者治萬物
也法大行則其人曰天何預人邪我蹈道而已法大

弛則其人曰道竟何為邪任人而已法小弛則天人之論駁焉今以一己之窮通而欲質天之有無惑矣余曰天恒執其所能以臨乎下非有預乎治亂云爾人恒執其所能以仰乎天非有預乎寒暑云爾生乎治者人道明咸知其所自故德與怨不歸乎天生乎亂者人道昧不可知故由人者舉歸乎天非天預乎人爾

天論中

或曰子之言天與人交相勝其理微庸使戶曉盡取
諸譬焉劉子曰若知旅乎夫旅者羣適乎莽蒼求休
乎茂木飲乎水泉必强有力者先焉否則雖聖且賢
莫能競也斯非天勝乎羣次乎邑郭求蔭於華壤飽
於饒牢必聖且賢者先焉否則强有力莫能競也斯
非人勝乎苟道乎虞芮雖莽蒼猶郭邑然苟由乎匡
宋雖郭邑猶莽蒼然是一日之途天與人交相勝矣
吾固曰是非存焉雖在野人理勝也是非亡焉雖在

邦天理勝也然則天非務勝乎人者又何哉人不幸
則歸乎天也人誠務勝乎天者又何哉天無私故人
可務乎勝也吾於一日之述而明乎天人取諸近也
已或者曰若是則天之不相預乎人也信矣古之人
曷引天為答曰若知操舟乎夫舟行乎濫淄伊洛者疾
徐存乎人次舍存乎人風之怒號不能鼓為濤也流
之汭洄不能峭為魁也適有迅而安亦人也適有覆
而膠亦人也舟中之人未嘗有言天者何哉理明故

也彼行乎江漢淮海者疾徐不可得而知也次舍不可得而必也鳴條之風可以沃日車蓋之雲可以見怪恬然濟亦天也黥然沈亦天也陷危而僅存亦天也舟中之人未嘗有言入者何哉理昧故也問者曰吾見其駢焉而濟者風水等耳而有沈有不沈非天曷司歟答曰水與舟二物也夫物之合并必有數存乎其間焉數存然後勢形乎其間焉一以沈一以濟適當其數乘其勢耳彼勢之附乎物而生猶影響也

本乎徐者其勢緩故人得以曉也本乎疾者其勢遽故難得以曉也彼江漢之覆猶伊淄之覆也勢有疾徐故有不曉耳問者曰子之言數存而勢生非天也天米狹於勢邪答曰天形恒圓而色恒青周回可以度得晝夜可以表候非數之存乎恒高而不卑恒動而不已非勢之乘乎今夫蒼蒼然者一受其形于高大而不能自還于卑小一乘其勢于動用而不能自休於俄頃又惡能逃乎數而越乎勢耶吾固曰萬物

之所以為無窮者交相勝而已矣還相用而已矣天
與人萬物之尤者耳問曰天果以有形而不能逃乎
數彼無形者子安所寓其數耶答曰若所謂無形者
非空乎空者形之希微者也為體也不妨乎物而為
用也恒資乎有必依于物而後形焉今為室廬而高
厚之形藏乎內也為器用而規矩之形起乎內也音
之作也有大小而響不能踰表之立也有曲直而影
不能踰非空之數歟夫目之視非能有光也必因乎

日月火炎而後光存焉所謂晦而幽者目有所不能
燭耳彼狸狌犬鼠之目庸謂晦為幽邪吾固曰以目
而視得形之麤者也以智而視得形之微者也烏有
天地之內有無形者耶古所謂無形蓋無常形耳必
因物而後見耳烏能逃乎數耶

天論下

或曰古之言天之厯象有宣夜渾天周髀之書言天
之高遠卓詭有鄒子今子之言有自乎答曰吾非斯

人之徒也大凡入乎數者由小而推大必合由人而推天亦合以理揆之萬物一貫也今夫人之有顏目耳鼻齒毛頤口百骸之粹美者也然而其本在夫腎腸心腹天之有三光懸寓萬象之神明者也然而其本在乎山川五行濁為清母重為輕始兩位既儀還相為庸噓為雨露噫為雷風乘氣而生羣分彙從植類曰生

按尚書傳云海隅蒼生謂草木也

動類曰蟲保蟲之長為智

最大能執人理與天交勝用天之利立人之紀紀綱

或壞復歸其始堯舜之書首曰稽古不曰稽天幽厲
之詩首曰上帝不言人事在舜之廷元凱舉焉曰舜
用之不曰天授在殷中宗襲亂而興心知說賢乃曰
帝賡堯民知餘難以神誣商俗以訛而引天啟由是
而言天預人乎

鵠說

黃曰唐之中世酷吏羅織姦臣擅權朋黨相軌
者四十年藩鎮跋扈者二百載腥風逆氣瀰漫
宇內仁人君子為之慟哭故已蜀不臣子美所
以賦杜鵑之詩卷屬虛名白樂天所以有江魚

塞雁之嘆猶或相乳韓吏部喜而序其事以見
斯人無慈幼之恩鵲能縱鳥柳子從之而為之
說以見斯人多害物之忍是數子皆有激而云
韓曰退之誌公墓謂子厚既退無相知有氣力
得位者推挽故辛尼於窮商觀公此說必有當
途者資子厚之氣力而不知報其篇末意昭然

○鵲胡

骨切

有驚曰鵲者穴于長安薦福浮圖有年矣浮圖之人室

宇於其下者伺之甚熟為余說之曰冬日之夕是鵲也

必取鳥之盈握者完而致之以煥其爪掌

煥熱氣
乙六切

左右

而易之旦則執而上浮圖之跂焉縱之

童曰浮圖之跂塔
之最髙處○跂丘

弭去智
二切

延其首以望極其所如往必背而去焉苟東矣

則是日也不東逐南北西亦然嗚呼孰謂爪吻毛翮之

物而不為仁義器耶

張曰翮羽莖也下革反

是固無號位爵祿之

欲里閭親戚朋友之愛也出乎殼卵

韓曰鳥子生而須哺曰殼而食曰鷄

○殼古
陰切

而知攫食決裂之事爾

攫字下一
有搏字

不為其他凡

食類之飢唯旦為甚今忍而釋之以有報也是不亦卓

然有立者乎用其力而愛其死以忘其飢又遠而違之

非仁義之道耶恒其道一其志不欺其心斯固世之所

難得也余又疾夫今之說曰以煦煦而嘿

煦蒸也吁通況則句于三

切徐徐而俯者善之徒以翹翹而厲炳炳而白者暴之

徒今夫梟鵂晦于晝而神於夜

張曰梟不孝鳥鵂博雅云怪鵂也莊子鵂鵂夜

撮蚤察毫末而不見丘山。梟堅堯切鵂音休

鼠不穴寢廟

孫曰左氏襄二十三年臧武仲曰夫

鼠晝伏夜動不穴於寢廟畏人故也

循牆而走

孫曰左氏僖七年正考父鼎銘曰三命而俯循牆而

走是不近於煦煦者耶今夫鵂其立趯然

趯跳也音迭

其動

若然

韓曰若皮骨相雜聲孫曰莊子若然響然。若呼號切

其視的然其鳴革然

是不近於翹翹者耶由是而觀其所為則今之說為未

得也孰若鵲者吾願從之毛耶翮耶胡不我施寂寥太清樂以忘飢

祀朝日說

韓曰公時為監察御史作禮記玉藻天子玄端而朝日於東門之外

柳子為御史主祀事將朝日

補注曰唐二分朝日夕月於國城東西各用方色牘

朝音潮下同

其僚問曰古之名曰朝日而已今而曰祀朝日

何也余曰古之記者則朝拜之云也今而加祀焉者則

朝旦之云也

朝音昭

今之所云非也問者曰以夕而偶諸

朝或者今之是乎余曰夕之名則朝拜之偶也古者旦

見曰朝暮見曰夕故詩曰邦君諸侯莫肯朝夕

孫曰詩兩無正

之左氏傳曰百官承事朝而不夕禮記曰日入而夕又

曰朝不廢朝暮不廢夕晉侯將殺豎襄叔向夕

韓曰國語平公射鵠

不死使豎襄搏之失公怒將殺之叔向聞之夕以諫平公乃趣赦之注豎內豎襄名也聞之夕謂夕至於朝也

楚子之留乾谿右尹子革夕

孫曰昭十二年左氏楚子次于乾谿祈父從右尹子

革夕王見之注子

齊之亂子我夕

孫曰史記齊簡公四年初簡公與父陽生

革鄭升夕葵見也之在魯也闕止有寵及即位使為政田成子憚之御穀言諸簡公曰田闕不可並也君其擇焉弗聽子我夕注

闕止子我也

趙文子磐其椽張老夕

韓曰國語趙文子為室斲其椽而磐

夕省事也

之張老夕焉而

智襄子為室美士茁夕

韓曰國語襄子為室美士茁夕

見之磐虛紅切

焉注襄子智伯瑤也士

皆暮見也漢儀夕則兩郎向瑣

茁智伯家臣茁反滑切

闕拜謂之夕郎亦出是名也

韓曰漢官儀故事黃門郎每日暮青瑣門拜故謂之

夕郎蓋即今之給事中云

故曰大采朝日小采夕月

孫曰周禮王攝大圭執鎮圭纁

藉五采五就以朝日則大采謂此朝日以五采則夕月

以三采可知魯語天子大采朝日與三公九卿祖識

地德小采夕月與太

又曰春朝朝日秋夕夕月若是其

史司載糾虔天刑

類足矣

一無其類字

又加祀焉蓋不學者為之也僚曰欲子

之書其說吾將施於世可乎余從之

捕蛇者說

韓曰公謫永州時作謂當時賦歛毒民其烈如是黃曰苛政猛於虎孔子過泰山之言也泰山屬於魯是時魯之政可謂苛矣毒賦甚于蛇柳子在零陵之言也唐都長安零陵相去三千五百里見唐賦所及者速也是時唐之賦可謂毒矣

永州之野產異蛇黑質而白章

孫曰白章謂白文也

觸草木盡死

以鬻人無禦之者然得而腊之

孫曰腊謂乾也

以為餌可以已

大風攣蹠癭癘

童曰蹠曲脚也足疾也癭頸腫也一曰久創癰度癰也○攣間緣切蹠音宛又

於遠切瘕音

漏瀉音厲

去死肌殺三蟲其始太醫以王命聚之歲

賦其二募有能捕之者當其租入永之人爭奔走焉有

蔣氏者專其利三世矣問之則曰吾祖死於是吾父死

於是今吾嗣為之十二年幾死者數矣言之貌若甚感

者余悲之且曰若毒之乎

也若汝

余將告于莅事者更若

役復若賦則何如蔣氏大戚汪然出涕

孫曰汪然涕貌

曰君將

哀而生之乎則吾斯役之不幸未若復吾賦不幸之甚

也嚮吾不為斯役則久已病矣自吾氏三世居是鄉積

於今六十歲矣而鄉鄰之生日蹙殫其地之出

殫盡也音單

竭其廬之入號呼而轉徙飢渴而頓踣

僵也音匄

觸風雨犯

寒暑呼噓毒癘往往而死者相藉也

藉但夜切

曩與吾祖居

者今其室十無一焉與吾父居者今其室十無二三焉

與吾居十二年者今其室十無四五焉非死而徙爾而

吾以捕蛇獨存悍吏之來吾鄉

悍音早

叫囂乎東西

囂虛橋切

一音隳突乎南北

突化沒切

譁然而駭者

譁音華駭下楷切

雖雞狗

不得寧焉吾恂恂而起

恂音翁

視其缶而吾蛇尚存則弛

然而卧

施施氏反

謹食之

食音臥

時而獻焉退而甘食其土之

有以盡吾齒蓋一歲之犯死者二焉其餘則熙熙而樂

豈若吾鄉鄰之旦旦有是哉今雖死乎此比吾鄉鄰之

死則已後矣又安敢毒耶余聞而愈悲孔子曰苛政猛

於虎也

韓曰孔子過泰山側有婦人哭于墓而哀夫子式而聽之使子貢問之曰子之哭也一似重有

憂者而曰然昔者吾舅死於虎吾夫又死焉今吾子又死焉夫子曰何為不去也曰無苛政夫子曰小子識之

苛政猛于虎也

吾嘗疑乎是今以蔣氏觀之猶信嗚呼孰知賦

斂之毒有甚是蛇者乎故為之說以俟夫觀人風者得

馬

禘說

黃曰子貢觀蜡歎一國之人皆狂孔子以文武
弛張之道辭而開之言若可已而不可已也子
厚蜡說謂名存實隱欲舉而去之是豈知孔子
意乎且其說曰水旱蟲蝗癘疫可以黜神暴眚
查貪罷弱可以責人要其言欲歸重於人之罰
輕神之責是矣然又有致雨反風去蝗與虎者
為出於偶然堯湯水旱非人之罪處人事於不
可信又孰不委於天而盡廢人事耶禘音乍或
從出

柳子為御史主記事將禘

孫曰禘祭名也夏曰嘉平殷
曰清祀周曰大蜡漢曰臘禮

記曰禘者索也歲十二月合聚萬物而索饗之也

進有司以問禘之說則曰合

百神於南郊以為歲報者也先有事必質於戶部戶部

之詞曰旱于某水于某蟲蝗於某癘疫於某則黜其方

守之神不及以祭

孫曰唐制禘祭凡一百八十七生方當年穀不登則闕其祀

余嘗

學禮蓋思而得之則曰順成之方其禘乃通

韓曰禮記八禘以祀

四方四方年不順成八禘不通以謹民財也順成之方其禘乃通以移民也鄭注云其方穀不熟則不通于禘焉

若是古矣繼而歎曰神之貌乎吾不可得而見也祭之

饗乎吾不可得而知也是其誕漫愀怳

誕音但慢英官切又英半切愀

虛兩切 恍計兩切
切 恍驚貌

冥冥焉不可執取者夫聖人之為心也

一無心也字

必有道而已矣非於神也蓋於人也以其誕漫

愀恍冥冥焉不可執取而猶誅削若此況其貌言動作

之塊然者乎是設乎彼而戒乎此者也其旨大矣哉或

曰若子之言則早乎水乎蟲蝗乎癘疫乎未有黜其吏

者而神黜焉而曰蓋於人者何也子曰若子之云早乎

水乎蟲蝗乎癘疫乎

一無上十字

豈人之為耶故其黜在神

暴乎眊乎沓貪乎罷弱乎

罷音疲下同

非神之為耶故其罰

在人今夫在人之道則吾不知也不明斯之道而存乎

古之數其名則存其數之實則隱以為非聖人之意故

歎而云也曰然則致雨反風

欽曰金滕周公居東天大雷電以風王出郊天乃雨

反風未蝗不為災虎負子而趨

劉昆為弘農守峭崿多虎災昆為政三年虎皆

負子渡河宋均為九江守郡多虎均下令去其陷奔後傳虎相與渡河又山陽楚沛多蝗其飛至水江界者輒

東西是非人之為則何以余曰子欲知其以乎所謂偶

然者信矣必若人之為則十年九潦

郎到切

八年七旱者

補注曰二句莊子秋水之文

獨何如人哉其黜之也苟明乎教之道雖

去古之數可矣反是則誕謾之說勝而名實之事喪亦足悲乎

乘桴說

黃曰韓退之說論語與世之學者大異於子在
回何敢死而曰回何敢先子所雅言詩書執禮
皆雅言也而曰子所雅音之類皆自出新意不
同諸子而每求異亦失之鑿柳子於論語其語
不多異而乘桴一說蓋出於諸儒言意之外非
聖心之決然者是知韓柳二家皆不免穿鑿之

樊○桴

芳無切

子曰道不行乘桴浮於海

孫曰桴編竹木以渡
大者曰筏小者曰桴

從我者

其由歟子路聞之喜子曰由也好勇過我無所取材說

曰海與桴與材皆喻也海者聖人至道之本所以浩然而遊息者也桴者所以遊息之具也材者所以為桴者也易曰復其見天地之心乎則天地之心者聖人之海也復者聖人之桴也所以復者桴之材也孔子自以極生人之道極一作極不得行乎其時將復於至道而遊息焉謂由也勇於聞義果於避世故許其從之也其終曰無所取材云者言子路徒勇於聞義果於避世而未得所以為復也此以退子路兼人之氣而明復之難耳然則

有其材以為其桴

一作以為桴無其字

而遊息於海其聖人乎子

謂顏淵曰用之則行舍之則藏唯我與爾有是夫由是

而言以此追庶幾之說

追一作追

則回近得矣而曰其由也

歟者當是歎也回死矣夫或問曰子必聖人之云爾乎

曰吾何敢以廣異聞且使邈世者得吾言以為學其於

無悶也捷焉而已矣

捷一作捷

說車贈楊誨之

韓曰誨之楊憑之子也憑自京兆尹貶臨賀尉
臨賀在嶺南屬賀州公時在永誨之道永之賀

欽定四庫全書

卷十六

公作是說以送然誨之猶以為柔外剛中未必
不為獎車柔外剛中未必不為常人公反覆論
辨有二書見
於集之別卷

楊誨之將行柳子起而送之門有車過焉指焉而告之
曰若知是之所以任重而行於世乎材良而器攻圓其
外而方其中然也材而不良則速壞工之為功也不攻
則速敗

孫曰攻
字也

中不方則不能以載外不圓則窒拒而

滯方之所謂者箱也

孫曰箱
所以載

圓之所謂者輪也匪箱不

居匪輪不塗

補注塗謂
行於世

吾子其務法焉者乎曰然曰是

一車之說也非衆車之說也吾將告子乎衆車之說澤

而杼山而侔

重曰考工記凡為輪行澤欲杼行山欲侔注杼謂削薄其踐地者侔上下等○杼直

呂上而輕下而軒且曳

韓曰詩戎車既安如軒如輕孫曰輕俯也軒仰也且曳字本易

曳其輪

祥而曠左

韓曰禮記祥車曠左注葬之乘車也

革而長轂以戟

孫曰革謂革車左氏曰長轂九百注長轂戎車也○穀音穀

巢焉而以望

韓曰兵高車加巢以

望敵也成卜六年左氏楚子登巢車以望晉師○巢本作縣省作巢

安以愛老

韓曰安安車也禮記

大夫七十而致仕乘安車自稱曰老夫孫曰漢武帝以安車迎枚乘

輜以蔽內

張曰輜說文云輶車

前衣車後也字林載衣物車前

垂綏而以旼

劉曰禮記武車綏旌

欽定四庫全書

卷十六

○經宣
佳切

載十二旒而以廟以郊以陳於庭

韓曰周官巾車王之五路

一曰王路建太常十有二旒以祀○旒音流

其類衆也然而其要存乎材良

而器攻圓其外而方其中也是故任而安之者箱

韓曰箱大

車之箱也詩駢車內容物之處為箱

達而行之者輪恒中者軸

音

掎而固

者蚤

韓曰掎戰持也蚤當為爪考工記注謂輻入牙中者也○掎音局拘玉切蚤音爪

長而撓

進不罪乎馬退不罪乎人者轅

韓曰考工記大車之轅擊其蚤又難既克其蚤

其覆車也必易此無故惟

卻暑與雨者蓋

張曰考工記輪人為蓋注

蓋主為敬而可伏者軾

韓曰軾車前橫板隆起者也奇式

服而制者馬

若牛然後衆車之用具今楊氏仁義之林也其產材良
誨之學古道為古辭冲然而有光其為工也攻果能恢
其量若箱周而通之若輪守大中以動乎外而不寧乎
內若軸攝之以剛健若蚤引焉而宜御乎揚若棘高以
遠乎污若蓋下以成乎禮若軾險而安易而利動而法
則庶乎車之全也詩之言曰四牡騤騤六轡如琴孔氏
語曰左為六官右為執法此其以達於大政也凡人之
質不良其能方且恒質良矣用不周其能以圓遂孔子

於鄉黨恂恂如也過陽虎必曰諾而其在夾谷也視叱

齊侯類畜狗

孫曰魯定公十年會齊侯於夾谷孔丘相

不震乎其內後之學

孔子者不志於是則吾無望焉耳矣誨之吾戚也長而

益良方其中矣吾固欲其任重而行於世懼圓其外者

未至故說車以贈

黃曰唐世土風缺甚矣其相戒約曰君欲求權須方須圓元次山嫉之欲

毀小兒轉圓之器以謂寧方為定隸不圓為公卿柳子說車以贈楊生者盡矣其末篇曰誨之方其中惟圓其外者未至愚謂楊生誠能方其中則其外當濟以圓不害乎時中也使其自得也未至而更以圓教之則不同乎流俗者哉希然則柳子之學或見笑于次山之家

謫龍說

韓曰當在暇謫後作
蓋有激而然者也

扶風馬孺子言年十五六時在澤州與羣兒戲郊亭上

頃然有奇女墜地有光煜然

舊注曜目動也光也音葉

被緞裘白紋

之裏

韓曰緞帛青赤色
將候切又側鵬切

首步搖之冠

孫曰步搖冠名言
行步則搖自漢時

有貴遊少年駭且悅之稍狎焉奇女頽爾怒曰

童曰楚
劉玉色

頽以怡頽又博雅云艷頽色
也○頽音名切又普冷切

不可吾故居鈞天帝宮下

上星辰呼噓陰陽薄蓬萊羞崑崙而不即者帝以吾心

侈大怒而謫來七日當復今吾雖辱塵土中非若儼也

童曰若汝也儼偶也○儼郎計切

吾復且害若衆恐而退遂入居佛寺

講室焉及期進取杯水飲之噓成雲氣五色脩脩也

脩脩

並音霄

因取裘反之化為白龍徊翔登天莫知其所終亦

怪甚矣嗚呼非其類而狎其謫不可哉孺子不妄人也

故記其說

復吳子松說

韓曰吳子

即吳武陵

子之疑木膚有怪文與人之賢不肖壽夭貴賤果氣之

寓歟為物者裁而為之歟余固以為寓也子不見夫雲

之始作乎勃怒衝涌

勃蒲沒切

擊石薄木而肆乎空中偃然

為人拳然為禽獸舒為林木嵒嶭為宮室

重曰嵒嶭山高貌上苦曷

丘葛二切下魚列牙葛二切竭或作竭

誰其搏而斲之者

斲音卓

風出洞窟

沅離百物經清觸濁呼召竅穴

竅一作穴

與夫草木之儻偶

紛羅雕葩剡芒

葩披巴切

臭朽馨香采色之赤碧白黃皆寓

也無裁而為之者

一無之字

又何獨疑茲膚之奇詭

古委切

與

人之賢不肖壽夭貴賤參差不齊者哉是固無情不足窮也然有可恨者人或權褒貶黜陟為天子求士者皆學於聖人之道皆又以仁義為的皆曰我知人我知人披辭窺貌逐其聲而覈其所蹈者以升而降其所升常多蒙替禍賊僻邪童曰替目不明也替音務又莫候切罔人以自利者其所降率恒多清明冲淳一無恒字不為害者彼非無情物也非不欲得其升降也然猶反戾若此逾千百年乃一二入幸不出於此者徵之猶無以為告今子不是病而木

膚之間為物者有無之疑子胡橫訊過詰擾擾如此哉

羆說

重曰公之為羆說蓋有所指而言○羆音疲

鹿畏羆

韓曰羆獸名說文羆劉也似羆能捕獸祭天○羆教俱切羆畏虎虎畏羆

孫曰

說文羆如熊黃白色

羆之狀被髮人立絕有力而甚害人焉楚之

南有獵者能吹竹為百獸之音昔云持弓矢罌火

韓曰罌瓦

正也音驚

而即之山為鹿鳴以感其類伺其至發火而射之

羆聞其鹿也趨而至其人恐因為虎而駭之羆走而虎

至愈恐則又為羆虎亦亡去羆聞而求其類至則人也
拌搏挽裂而食之並曰說文拌持
頭髮也昨沒切今夫不善內而恃外
者未有不為羆之食也

觀八駿圖說

韓曰晉王嘉拾遺記八駿之名一曰絕地二曰
絕羽三曰奔霄四曰越影五曰踰輝六曰越光
七曰騰霧八曰狹
翼圖必本諸此云

古之書有記周穆王馳八駿升崑崙之墟者

韓曰列子
云周穆王

不恤國事不樂臣妾肆意遠遊命駕八駿之乘右服騂
騮而左驂耳右驂赤驥而左白羲次車之乘右服渠黃

而在踰踰左驂監驥而右山子馳驅千里至於巨蒐氏之國遂宿寘爲之何赤水之陽古書記穆王馳八駿者其此後之好事者爲之圖宋齊以下傳之

下一作來

觀其狀

甚怪咸若騫若翔若龍鳳麒麟若螳螂然

孫曰螳螂蟪蛄方言曰

蟪蛄以南謂之螳螂三河之間謂之螳螂

其書尤不經世多有然不足采世

聞其駿也因以異形求之則其言聖人者亦類是矣故

傳伏羲曰牛首女媧曰其形類蛇

童曰帝王世紀伏羲女媧蛇身人首神農

人身牛首

孔子如俱頭

孫曰荀子云仲尼之狀面如蒙俱頭者蒙俱之頭韓曰俱方相

也音

若是者甚衆孟子曰何以異於人哉堯舜與人同

耳今夫馬者駕而乘之或一里而汗或十里而汗或干
百里而不汗者視之毛物尾鬣四足而蹄齧草飲水

龍

也下
沒切

一也推是而至於駿亦類也今夫人有不足為負

販者有不足為吏者有不足為士大夫者有足為者視
之圓首橫目食穀而飽肉絺而清裘而燠一也推是而
至於聖亦類也然則伏羲氏女媧氏孔子氏是亦人而
已矣驂騑白羲

音蟻一
本作蟻

山子之類若果有之是亦馬而

已矣又烏得為牛為蛇為俱頭為龍鳳麒麟螳螂然也

哉然而世之慕駿者不求之馬而必是圖之似故終不

能有得於駿也慕聖人者不求之人而必若牛若蛇若

俱頭之問

一作問

故終不能有得於聖人也誠使天下有

是圖者舉而焚之則駿馬與聖人出矣

黃曰韓子曰古之聖人有若牛

蛇鳥喙象俱者貌似而心不同不可謂之非人此所以
欺鶴言之為怪柳子曰慕聖人者不求之人而必若牛
若蛇若象俱之問終不能有得此所以欲焚八駿之圖
文公之於聖人信其有形貌之似而重求其心子厚之
於聖人槩之以人而不信其為禽獸
蟲魚之怪二子之意蓋大同而小異

五百家註柳先生集卷十六

欽定四庫全書

五百家註柳先生集卷十七

傳

宋清傳

韓曰公此文在謫永州後作蓋謂當時之交遊者不為之汲引附炎棄寒有愧於清之為者因託是以諷

宋清長安西部藥市人也居善藥

孫曰居謂精也

有自山澤來

者必歸宋清氏清優主之長安醫工得清藥輔其方輒

欽定四庫全書

卷十七

易

重曰難賣也音
售易以政切

咸譽清疾病疔瘍者

疔早復切
一本作咸譽

清信能療
病故病者

亦皆樂就清求藥冀速已清皆樂然響應雖

不持錢者皆與善藥積券如山未嘗詣取直或不識遙
與券清不為辭歲終度不能報輒焚券終不復言市人
以其異皆笑之曰清蚩妄人也或曰清其有道者歟清
聞之曰清逐利以活妻子耳非有道也然謂我蚩妄者
亦謬清居藥四十年所焚券者百數十人或至大官或
連數州受俸博其餽遺清者相屬於戶雖不能立報而

以賒死者千百

賒一作賒

不害清之為富也清之取利遠遠

故大豈若小市人哉一不得直則怫然怒

怫音弗

再則罵

而仇耳彼之為利不亦翦翦乎

翦子賤切

吾見蚩之有在也

清誠以是得大利又不為妄執其道不廢卒以富求者

益衆其應益廣或斥棄沈廢親與交視之落然者清不

以怠過其人必與善藥如故一旦復柄用益厚報清其

遠取利皆類此吾觀今之交乎人者炎而附寒而棄

鮮有能類清之為者世之言徒曰市道交嗚呼清市人

也今之交有能望報如清之遠者乎幸而庶幾則天下之窮困廢辱得不死亡者衆矣市道交豈可少耶或曰清非市道人也柳先生曰清居市不為市之道然而居朝廷居官府居庠塾鄉黨以士大夫自名者反爭為之不己悲夫然則清非獨異於市人也

種樹郭橐駝傳

孫曰姓郭號橐駝馬類也背肉似橐故以名之黃曰事有可觸類而長者聞解牛得養生問鑄金得鑄人為天下之道與牧馬何異牧民之道以牧羊而知橐駝傳宜其有為而作也○橐

音託駝
徒何切

郭橐駝不知始何名病癭

韓曰釋文癭偃疾也。癭癭主切。

隆然伏行

有類橐駝者故鄉人號之駝駝聞之曰甚善名我固當

因捨其名亦自謂橐駝云其鄉曰豐樂鄉在長安西駝

紫種樹凡長安豪富人

豪下一有豪字

為觀游及賣果者皆爭

迎取養視駝所種樹或移徙無不活且碩茂蚤實以蕃

他植者雖窺伺倣慕莫能如也有問之對曰橐駝非能

使木壽且孳也

韓曰乳化曰孳孳音字人津之切。一有以字。

能順木之天以

致其性焉爾凡植木之性其本欲舒其培欲平其土欲故其築欲密既然已勿動勿慮去不復顧

去一作亦

其蔕也

若子

重曰蔕種也音侍

其置也若棄則其天者全而其性得矣

故吾不害其長而已非有能碩茂之也不抑耗其實而已非有能蚤而蕃之也他植者則不然根拳而土易其培之也若不過焉則不及

一有焉字

苟有能反是者則又愛

之太恩憂之太勤旦視而暮撫已去而復顧甚者爪其

膚以驗其生枯搖其本以觀其疎密而木之性日以離

矣雖曰愛之其實害之雖曰憂之其實讎之故不我若

也吾又何能為哉

哉一作矣哉

問者曰以子之道移之官理

可乎馳曰我知種樹而已理非吾業也然吾居鄉見長

人者好煩其令若甚憐焉而卒以禍旦暮吏來而呼曰

官命促爾耕勗爾植

張曰勗勉也呼玉切

督爾穫蚤繰而緒

韓曰繰謂

繰謂為繰繰蘇曹切

蚤織而繰字而幼孩遂而雞豚鳴鼓而聚

之擊木而召之吾小人輟飧饔以勞吏者且不得暇又

何以蕃吾生而安吾性耶故病且怠若是則與吾業者

其亦有類乎問者嘻曰

嘻一作喜

不亦善夫吾問養樹得養

人術傳其事以為官戒

一有也字

童區寄傳

韓曰其文曰杜部從事為余言之當在柳州作補注東坡有劉醜所詩云曰此可名區寄追配

柳之苑恨我非柳子

擊節為爾謠謂此

柳先生曰越人少恩生男女必貨視之

必一作以

自毀齒已

上

孫曰說文男八月齒生八歲而齠女七月齒生七歲而齠齠毀齒也

父兄鬻賣

鬻音育

以

覬其利不足則取他室束縛鉗梏之

孫曰鉗者以鐵束之梏手械也鉗其

廉切 姑沃切

至有鬚鬣者

孫曰鬚長鬣也音獵

力不勝皆屈為僮當道

相賊殺以為俗幸得壯大則縛取之弱者

也 二小

漢官因

以為已利苟得僮恣所為不問以是越中戶口滋耗少

得自脫惟童區寄以十一歲勝斯亦奇矣桂部從事杜

周士

孫曰周士貞元十七年弟進士元和中從事桂管

為余言之童寄者柳州

莢牧兒也行牧且莢

童曰莢採薪也

二豪賊劫持反接布囊其

口去逾四十里之墟所賣之

舊注南越中謂野市曰墟

寄偽兒啼恐

慄為兒恆狀賊易之對飲酒醉一人去為市一人卧植

刃道上童微伺其睡以縛背刃力下上得絕因取刃殺之逃未及遠市者還得童大駭將殺童遽曰為兩郎僮孰若為一郎僮耶彼不我恩也郎誠見完與恩無所不可市者良久計曰與其殺是僮孰若賣之與其賣而分孰若吾得專焉

一有然字

幸而殺彼甚善即藏其尸持童抵

主人所愈束縛牢甚夜半童自轉以縛即爐火燒絕之雖瘡手勿憚復取刃殺市者因大號一墟皆驚童曰我區兒氏也不當為僮賊二人得我幸皆殺之矣願以

聞於官墟吏白州州白大府大府召視兒幼愿耳刺史

顏証奇之

童曰証果卿之孫元和初為桂管刺史觀察使。証音征又之刃切

留為小吏

不肯與衣裳吏護還之鄉鄉之行劫縛者側目莫敢過

其門皆曰是兒少秦武陽二歲

韓曰戰國策燕太子丹欲以匕首刺秦王燕國

有勇士秦武陽年十三殺人不敢忤視乃令為荆軻副而往史記作舞陽

而討殺二豪豈

可近耶

梓人傳

韓曰公蓋託物以寓意端為佐天子相天下進退人才者說也
黃曰王承福朽者而得傳於韓

揚潛梓人而得傳於柳又曰梓人傳意大抵出於孟子孟子言為巨室必使工師求大木是何異於梓人所謂量棟宇之任視木之能否者乎孟子言教玉人雕琢之為非是何異於梓人所謂由我則固不由我則紀不奪於主人之牽制者乎

裴封叔之第

孫曰名瑾公之姊夫

在光德里有梓人歎其門願傭

隙宇而處焉

童曰說文隙阮憲也當作隙寓轉作隙去逆切詳注第九卷

所職尋引

規矩繩墨

孫曰尋八尺引十丈尋引所以度長短也

家不居斲斷之器

斲音斷

卓音

問其能曰吾善度材視棟宇之制高深圓方短長之

宜吾指使而羣工役焉捨我衆莫能就一宇故食於官

府吾受祿三倍作於私家吾收其直大半焉他日入其室其牀缺足而不能理曰將求他工余甚笑之謂其無能而貪祿嗜貨者其後京兆尹將飾官署余往過焉委羣材會衆工或執斧斤或執刀鋸皆環立嚮之梓人左持引右執杈而中處焉量棟宇之任視木之能舉揮其杈曰斧彼執斧者奔而右顧而指曰鋸彼執鋸者趨而左俄而斤者斲刀者削皆視其色俟其言莫敢自斷者其不勝任者怒而退之亦莫敢愠焉畫宮於堵盈尺而

曲盡其致計其毫釐而構大厦無進退焉既成書於上

棟

孫曰易上棟下宇以避風雨

曰某年某月某日某建則其姓字也

凡執用之工不在列余圖視大駭

孫曰賈誼傳天下圖視而起注云驚愕也

然後知其術之工大矣繼而歎曰彼將捨其手藝專其

心智而能知體要者歟吾聞勞心者役人勞力者役於

人彼其勞心者歟能者用而智者謀彼其智者歟是足

為佐天子相天下法矣物莫近乎此也彼為天下者本

於人其執役者為徒隸為鄉師里胥

孫曰徒隸給徭役者鄉師一鄉之長

里胥一里之長胥其有才智為什長者其上為下士又其上為中士為上

士又其上為大夫為卿為公離而為六職判而為百役

外薄四海

童曰尚書之文

有方伯連率

張曰王制千里之外設方伯又曰十國以為連

連有帥率與帥同

郡有守邑有宰皆有佐政其下有胥吏又其

下皆有嗇夫版尹

孫曰漢制鄉小者置嗇夫一人版尹掌戶版者

以就役焉猶

衆工之各有執伎以食力也彼佐天子相天下者舉而

加焉指而使焉條其綱紀而盈縮焉齊其法制而整頓

焉猶梓人之有規矩繩墨以定制也擇天下之士使得

其職居天下之人使安其業視都知野視野知國視國
知天下其遠邇細大可手據其圖而究焉猶梓人畫宮
於堵而績于成也能者進而由之使無所德不能者退
而休之亦莫敢愠不銜能

重曰銜行且責也音縣

不矜名不親小

勞不侵衆官日與天下之英才討論其大經猶梓人之
善運衆工而不伐藝也夫然後相道得而萬國理矣相
道既得萬國既理天下舉首而望曰吾相之功也後之
人循跡而慕曰彼相之才也士或談殷周之理者曰伊

傳周召其百執事之勤勞而不得紀焉猶梓人自名其
功而執用者不列也大哉相乎通是道者所謂相而已
矣其不知體要者反此以恪勤為公以簿書為尊銜能
矜名親小勞侵衆官竊取六職百役之事听听於府廷
韓曰听听然
笑也魚隱切而遺其大者遠者焉所謂不通是道者也

猶梓人而不知繩墨之曲直規矩之方圓尋引之短長
姑奪衆工之斧斤刀鋸以佐其藝又不能備其工以至
敗績用而無所成也不亦謬歟或曰彼主為室者倘或

發其私智牽制梓人之慮奪其世守而道謀是用雖不能成功豈其罪耶亦在任之而已余曰不然夫繩墨誠陳規矩誠設高者不可抑而下也狹者不可張而廣也

由我則固不由我則圯

圯壞也
卽鄰切

彼將樂去固而就圯也

則卷其術默其智悠爾而去不屈吾道是誠良梓人耳其或嗜其貨利忍而不能捨也喪其制量屈而不能守也棟撓屋壞則曰非我罪也可乎哉可乎哉余謂梓人之道類於相故書而藏之梓人蓋古之審曲面勢者

童曰

周禮考工
記之文

今謂之都料匠云余所遇者楊氏潛其名

李赤傳

韓曰赤自謂歌詩類李白而赤其名狂士也其所養可知黃曰司馬長卿名相如以名慕蘭相如者也不效其全璧之高風而佞諛之辭有蘭氏所不為牛僧孺字思黯以字慕汲黯者也不效其好諫之高節而市人之行有汲直所不處李太白以神仙風姿布衣入翰林使高力士脫鞵眼空四海而李赤藏於妖鬼以世為涸以涸為帝居清都白固如是耶

李赤江湖浪人也嘗曰吾善為歌詩類李白故自號曰

李赤游宣州州人館之

一本無州人二字

其友與俱游者有姻

焉間累日乃從之館赤方與婦人言其友戲之赤曰是
媒我也吾將娶乎是友大駭曰足下妻固無恙太夫人
在堂安得有是豈狂易病惑耶

易音赤

取絳雪餌之赤不

肯有間婦人至又與赤言即取巾經其脰

孫曰經纏也
脰項也音丘

赤兩手助之舌盡出其友號而救之婦人解其中走去
赤怒曰汝無道吾將從吾妻汝何為者赤乃就牖間為

書帳而圓封之

童曰卧不闔口曰帳音
展又左展女箭二切

又為書博封之

訖如廁久

一有而字

其友從之見赤軒厠抱甕詭笑而側視

勢且下入乃倒曳得之又大怒曰吾已升堂面吾妻妻之容世固無有堂之飾宏大富麗椒蘭之氣油然而起顧視汝之世猶溷廁也

溷胡固切

而吾妻之居與帝居鈞

天清都

孫曰史記趙簡子夢游鈞天廣樂

無以異若何苦余至此哉然

後其友知赤之所遭乃廁鬼也聚僕謀曰亟去是廁遂行宿三十里夜赤又如廁久從之且復入矣持出洗其汙衆環之以至旦去抵他縣縣之吏方宴赤拜揖跪起無異者酒行友未及言已飲而顧赤則已去矣走從之

赤入廁舉其牀捍門門堅不可入其友叫且言之衆發
牆以入赤之面陷不潔者半矣又出洗之縣之吏更召
巫師善呪術者守赤赤自若也夜半守者怠皆睡及覺
更呼而求之見其足於廁外赤死久矣獨得尸歸其家
取其所為書讀之蓋與其母妻訣其言辭猶人也柳先
生曰李赤之傳不誣矣是其病心而為是耶抑固有廁
鬼耶赤之名聞江湖間其始為士無以異於人也一惑
於怪而所為若是乃反以世為溷溷為帝居清都其屬

意明白今世皆知笑赤之惑也及至是非取與向背決
不為赤者幾何人耶反脩而身無以欲利好惡遷其神
而不返則幸矣

一作耳

又何暇赤之笑哉

補注東坡有李亦詩并題跋見

真本

蝨蝨傳

黃曰多藏必厚亡財多必害已古人所歎子厚
知此其憎王孫則為其竊食自實也其招海賈
則為其以利易生也腰千金以甘溺所以哀零
陵之氓貪重負以至死所以閔蝨蝨之蟲戒之
深矣然規權逐私卒陷黨籍將言之不能行歟
抑其及禍而後悔歟又曰橐駝善負愈重而後

超然工于為人故獲養而無害蝨蝨遇物愈貪而不已然無所用故受禍而莫救韓曰公之所

言蓋指當時用事貪取滋甚者

○蝨音負又扶缶切蝨音板

蝨蝨者

孫曰蝨蝨兩雅作負版

善負小蟲也行遇物輒持取印其

首負之

印音昂亦作仰

背愈重雖困劇不止也其背甚澀物積

因不散

因一

卒躓仆不能起

躓知利切仆音赴又音匍

人或憐之為

去其負苟能行又持取如故又好上高極其力不已至

墜地死今世之嗜取者遇貨不避以厚其室不知為已

累也惟恐其不積及其怠而躓也黜棄之遷徙之亦以

病矣苟能起又不父日思高其位大其祿而貪取滋甚

以近於危墜觀前之死亡

一本有曾也

不知戒雖其形魁然

大者也其名入也而智則小蟲也亦足哀夫


哀一作悲

曹文洽韋道安傳

元闕

孫曰曹文洽者義成軍牙將也貞元十六年監軍薛
盈珍遣小吏程務挺誣奏節度使姚南仲罪文洽亦
奏事長安知之追及務挺於長樂驛中夜殺之沈盈
珍表於厠中自作表雪南仲之寃且首專殺之罪亦
作狀白南仲遂自殺明且門不啟驛吏排之入得表
狀于文洽尸旁上聞而異之○又是歲五月庚戌徐
州節度使張建封卒壬子軍亂殺判官鄭通誠建封
子愔知軍事以抗王命韋道安死之諱曰二公傳諸

本皆闕然集中有韋道安詩言其事甚詳觀其詩則
傳之意可見矣題云曾文洽韋道安傳則事必相聞
豈詩所謂自言故刺史者耶或
與道安同被刺史之急者也



五百家註柳先生集卷十七

欽定四庫全書

集部

五百家註柳先生集卷

十八至二十一

詳校官監察御史

臣 卨文愷

檢討臣何思鈞覆勘

總校官編修

臣

王燕緒

校對官編修

臣

孫希旦

謄錄監生

臣

金際谷

欽定四庫全書

五百家註柳先生集卷十八

騷

乞巧文

集註荆楚歲時記七夕婦人以綵縷穿七孔針
陳几進酒脯瓜果於庭中以乞巧或曰見天漢
中奕奕白氣有光五色以為徵應見者得福此
乞巧之所自也然公為此文假是以見其拙於
謀己耳晁无咎取之於變騷而系以辭曰周鼎
鑄鉉而使銜其指先王以見大巧之不可為也
故于貢教乞巧者為栴栴用力少而見巧多而
乞巧者羞之夫鵲不巢拙莫比焉而屈原乃曰

雄鳩之鳴述兮吾獨惡其能巧原誠傷世澆偽故抵拙以為巧意昔之不然者今皆然矣甚之

者宗元之作雖亦閨時奔薦要歸諸厚然宗元規拙矣

柳子夜歸自外夜有設祠者饗餌馨香

舊註饗厚粥也諸廷切餌仍吏

切 蔬果交羅插竹垂綏

而追切

剖瓜犬牙且拜且祈怪而

問焉女隸進曰今茲秋孟七夕天女之孫將嬪於河鼓

漢曰漢天文志云織女天孫女嬪婦也韓曰吳均齊諧記云七月七日織女當渡河暫指牽牛爾雅云河鼓謂之

牽牛 邀而祠者幸而與之巧驅去蹇拙手目開利組紕縫

製

重曰組補縫也組機縷也上總古切下女鵠切

將無滯於心焉為是禱也柳

子曰苟然歟吾亦有所大拙倘可因是以求去之乃纓

弁束紕

張曰弁冠也
社衣衿也

促武縮氣旁趨曲折偃僂將事

僂委

羽切傳
隴主切

再拜稽首稱臣而進曰下土之臣竊聞天孫專

巧於天轆轤璇璣

孫曰轆轤猶交加也書在璠璣玉衡
璣正天文器璇璣美玉○轆轤音交各

經緯星辰能成文章黼黻帝躬以臨下民欽聖靈仰光

耀之日久矣今聞天孫不樂其獨得貞卜於玄龜將蹈

石梁歟天津

孫曰天津九星橫
河中主四瀆津梁

儷於神天

童曰儷
伉儷也

於漢

之濱兩旗開張中星耀芒

孫曰皆天文志左旗九星在
天河鼓左旁右旗亦如之而

河鼓居
其中

靈氣翕歛

吁勿切

茲辰之良幸而弭節

孫曰弭徐行也

薄

遊民間臨臣之庭曲聽臣言臣有大拙智所不化醫所

不攻威不能遷寬不能容乾坤之量包含海岳臣身甚

微無所投足蟻適于垤蝸休於殼龜鼃螺蚌

上羸下蚌

皆有

所伏臣物之靈進退惟辱仿佯為狂局束為諂吁吁為

詐坦坦為忝他人有身動必得宜周旋獲笑顛倒逢喜

已所尊昵人或怒之變情徇勢射利抵牾

童曰牾山險貌音義

中

心甚憎為彼所奇忍仇佯喜悅譽遷隨胡執臣心常使

不移反人是已曾不懼疑貶名絕命不負所知朴嘲似

傲貴者啟齒臣旁震驚彼且不恥叩稽匍匐言語謫詭

令臣縮慙

女六切下同

彼則大喜臣若效之瞋怒叢已彼誠

大巧臣拙無比王侯之門狂吠狴犴

陞岸二音上入遼米切

臣到

百步咳喘顛汙睚眦逆走魄遁神叛欣欣巧夫徐入縱

誕毛羣掉尾百怒一散世塗昏險擬步如漆左低右昂

鬪冒衝突鬼神恐悸聖智危慄泯焉直透所至如一

獨何工縱橫不恤非天所假彼智焉出獨嗇於臣恒使

北點沓沓騫騫恣口所言迎知喜惡默測憎憐搖屑一

發徑中心原膠如鉗夾誓死無遷探心扼膽踴躍拘牽

彼雖佯退胡可得旃獨結臣舌暗抑銜冤暗音陰臂皆流

五暗音刺一辭莫宣胡為賦授有此奇偏眩耀為文瑣碎

排偶抽黃對白吟呀飛走據注吟呀為聲也音奔弄駢四儷六錦心

繡口宮沈羽振笙簧觸手觀者舞悅誇談雷吼獨溺臣

心使甘老醜詭昏莽鹵模鈍枯朽不期一時以俟悠久

旁羅萬金不鬻弊帛補註文選家有弊帛事之千金跪呈豪傑投棄不

有眉嬾頰蹙

童曰嬾目恨張也
嬾音賓頰音過

喙唾胸歐

喙呼惠切唾
吐卦切歐音

嘔

大赦而歸填恨低首天孫司巧而窮臣若是卒不余

昇獨何酷歟敢願聖靈悔禍矜臣獨艱付與姿媚易臣

頽頽鑿臣方心規以大圓拔去訥舌

訥與
訥同

納以工言文

詞婉軟步武輕便

平聲

齒牙饒美眉睫增妍突梯卷鬻

孫曰

楚詞卜居云將突梯滑稽以絜樞乎突梯隨俗貌莊子
鬻卷僇衮而亂天下卷鬻不申舒貌音拳攀又拳勉力

轉二切

為世所賢公侯卿士五屬十連

童曰王制五國以
為屬屬有長十國

以為連連有帥
屬字音注

彼獨何人長享終天言訖又再拜稽首

俯伏以俟至夜半不得命疲極而睡見有青裋朱裳

韓曰

裋衣袂也音袖

手持絳節而來告曰天孫告汝汝詞良苦凡汝

之言吾所極知汝擇而行嫉彼不為汝之所欲汝自可

期胡不為之而誑我為汝惟知恥諂貌淫辭寧辱不貴

自適其宜中心已定胡妄而祈堅汝之心密汝所持得

之為大失不汙卑凡吾所有不敢汝施

敢一作安

致命而昇

汝惟勿疑嗚呼天之所命不可中革泣拜欣受初悲後

懌抱拙終身以死誰惕

黃曰聖賢之學急於內而緩於外所造有淺深所見有昏明所

養有寬狹所聞有多寡是巧拙之所由分若夫言之聽不聽仕之遇不遇身名榮辱爵位高下則非巧拙之所系也故大智若愚大辨若訥如愚者聖人所與无智名者史氏所稱世俗所謂拙者安知其非真巧歟子厚既廢不重責已其論巧拙之大意特在於言語用舍仕宦進退之間又何足以知真巧拙所在耶

罵尸蟲文

并序

韓曰公此文蓋有所寓耳貞元中公以黨累貶永州司馬宰相惜其才欲深濯用之詔補袁州刺史其後諫官頗言不可用遂罷當時之讒公者衆矣既此以嫉其惡也當是謫永州後作

有道士言人皆有尸蟲三處腹中伺人隱微失誤輒籍

記日庚申幸其人之昏睡出讒于帝以求饗

韓曰酉陽雜俎云人

有三尸上尸青姑伐人眼中尸白姑伐人下臟下尸血姑伐人胃命凡庚申日言人過癸帝古語云三守庚中

三尸伏七守以是人多謫過疾癘天死柳子特不信一

庚申三尸滅無以是人多謫過疾癘天死柳子特不信一
特曰吾聞聰明正直者為神帝神之尤者一無其為聰

明正直宜大也安有下比陰穢小蟲縱其狙詭延其變

詐以害於物而又悅之以饗其為不宜也殊甚吾意斯

蟲若果為是則帝必將怒而戮之投於下土以殄其類

俾夫人咸得安其性命而苛慝不作然後為帝也余既

處卑不得質之于帝而嫉斯蟲之說為文而罵之

來尸蟲汝曷不自形其形

一作自刑其形

陰幽跪反而寓乎人

跪一作挽

以賊厥靈膏肓是處兮

童曰成十年左氏晉侯求醫于秦秦伯使醫緩為之

未至公夢疾為二豎子曰彼良醫也懼傷我焉逃之其一曰居肓之上膏之下若我何醫曰疾不可為也在肓之上膏之下攻之不可達之不及說文肓心上鬲下也音荒

不擇穢卑潛窺默聽兮

窺一作覷此居切又如字

導人為非冥持札牘兮搖動禍機卑臥拳

縮兮宅體險微以曲為形以邪為質以仁為凶以僭為

吉以淫諛諂誣為族類以中正和平為罪疾以通行直

遂為顛蹶以逆施反闢為安佚諧下謾上

童曰謾欺也莫官切恒

其心術妬人之能幸人之失利昏伺睡旁睨竊出

攷曰

規也五計切

走讒於帝遽入自屈舉然無聲

舉音覓

其意乃畢

求味已口胡人之恤彼脩蛸恙心

韓曰蛸腹中長蟲也音同○他本蛸作蛸

短蛸穴胃

韓曰蛸亦腹中蟲也如消去消二切

外搜疥癩

張曰疥癩癢也癩疫氣也

下

索瘰痔

唐曰瘰瘡也痔後病瘰力闕切痔治里切

侵入肌膚為已得味世皆

禍之則惟汝類良醫刮殺聚毒攻餌旋死無餘乃行正

氣汝雖巧能未必為利帝之聰明宜好正直寧懸嘉饗

答汝讒慝叱付九闕貽虎豹食

童曰楚詞宋玉招鬼虎豹九闕啄害下人言天

門九重使神虎豹執其關閉主
啄齧天下欲上之人而殺之

下民舞蹈荷帝之力是

則宜然何利之得速收汝之生速滅汝之精薄收震怒

韓曰薄收天之刑神禮
記孟秋之月其神薄收

將勅雷霆擊汝鄴都

鄴音
豐

糜爛

縱橫俟帝之命乃施于刑羣邪殄夷大道顯明害氣永
革厚人之生豈不神且聖歟祝曰尸蟲逐禍無所伏下
民百祿惟帝之功以受景福尸蟲誅禍無所廬下民其
蘇惟帝之德萬福來符臣拜稽首敢告于玄都

斬曲几文

欽定四庫全書

卷十八

韓曰觀其文蓋指當時以詔曲獲用者又謂上之人不明棄直而用曲則不才者進其旨微矣

皆貶謫後作與前篇相先後云

后皇植物

韓曰楚詞九章后皇嘉樹橘休服兮註后后土皇皇天也

所貴乎直聖主

取焉

主一作王

以建家國亘為棟楹

上音棟下音盈

齊為閭闕

上苦本切

下音域

外隅平端中室謹飭

飭一作飾

度焉以几

孫曰周禮室中度以几几

三尺也○度待洛切

維量之則君子憑之以輔其德

其一作有

末代淫

巧不師古式斷茲揉木

韓曰揉屈伸木也

以限肘腋歌形詭狀

曲程詐力制類奇邪

上音畸下音哀

用絕繩墨勾身陋狹危足

僻側支不得舒脅不遑息余胡斯蓄以亂入極追咎厥

始惟物之殘稟氣失中遭生不完託地境蛭

韓曰何休曰境角不

生五穀曰不毛垺蟻冢也

反時燠寒鬱悶結澀

悶一作閉瘰

塞艱難

瘰音隆塞一作塞

不可以遂遂虧其端離奇詰屈

韓曰鄒陽

上書云蠲木根祗輪因離奇而為萬乘器者以左右先為之容也

縮慙贗屹

童曰贗玩銳上也高

也上音攢下五官切

含蜎孕蠹

韓曰蜎木中蠹蟲也胡萬切蠹音妬

外邪中乾

音干或

因先容以售其蜎

解見上售賣也音毒下同蜎音盤

病夫甘焉制器以

安彼風毒敗形陰沴遷魄

韓曰相傷謂之沴沴閭計切

禍氣侵骨淫

神化脈體及筋倦榮乖衛逆乃喜茲物以為已適器之

不祥莫是為敵烏可昵近以招禍癖

音癖

且人道甚惡惟

曲為先在心為賊在口為愆在肩為僂在膝為攣戚施

踣踣

任曰戚施不能仰者踣曲也跂有跂腫國其人行脚根不着地。上舉絢切下丘弭切

匍匐

拘拳古皆斥遠莫致於前問誰其類惡木盜泉

韓曰選陸士衡

猛虎行渴不飲盜泉水熱不息惡木陰孫曰管子云士

懷耿介之心不蔭惡木之枝惡木尚猶恥之況與惡人

同處尸子云孔子至於盜朝歌迴車孫曰漢鄒陽書云里名勝母曾子不

入邑號朝歌墨子迴車韓曰晉灼

簡牘載焉

載一作稱

昭王

市骨樂毅歸燕

韓曰燕昭王厚幣以招賢者郭隗曰古之人君有使涓人求千里馬者馬已死

買其骨而返君大怒涓人曰死馬且買况生者乎不
昔年千里馬至者三馬今王致士先從隗始况賢于隗
者哉昭王為隗築宮而師之於是
士爭趨燕樂毅自魏往以為亞卿今我斬此以希古賢

諂諛宜惕正直宜宣道焉是達法焉是專咨爾君子曷

不乾乾

張曰易君子終日乾乾○乾音虔

既和且平獲祐于天去惡在

微慎保其傳

黃曰好惡根於心而託物以自見廉者不飲貪泉正者不食邪蒿反本者必悲黑白

之絲執方者不蓄圓轉之器宜也子厚急於禄仕曲腰
盤折同於佞倖者多矣而反斬絕曲几几而有神得無
濫誅之

寬乎

宥蝮蛇文

并序

補注晁无咎取罵尸蟲憎王孫并此宥蝮蛇文以附變騷系之曰離騷以此龍鸞鳳託君子以惡禽臭物指讒佞王孫尸蟲蝮蛇小人讒佞之類也其憎之也罵之也投畀有北之意也其宥之也以遠小人不惡而嚴之意也蓋離騷備此義而宋元放之焉 蝮音覆

家有僮善執蛇晨持一蛇來謁曰是謂蝮蛇

補注蝮毒蛇名色如

蝮文鼻上有針大者長七八尺一名反鼻出南方

犯於人死不治又善伺人聞人

咳嗽步驟輒不勝其毒捷取巧噬

音誓

肆其害然或慊

不得於人則愈怒

舊注慊恨也苦葷切

反齧草木草木立死後人

來觸死莖猶墮指攣腕腫足

掌力緣切腕烏貫切腫時勇切

為廢病必

殺之是不可留余曰汝惡得之曰得之榛中曰榛中若

是者可既乎曰不可其類甚博余謂僮曰彼居榛中汝

居宮內彼不汝即而汝即彼犯而鬪死以執而謂者汝

實健且險以輕近是物然而殺之汝益暴矣彼耕獲者

求薪蘓者

孫曰漢書樵蘓後襲蘓草也

皆土其鄉知防而入焉執耒

操鞭持芟朴以遠其害汝今非有求於榛者也密汝居

易汝庭

孫曰易謂芟治草木

不凌與不步間是惡能得而害汝且

彼非樂為此態也造物者賦之形陰與陽命之氣形甚怪僻氣甚禍賊雖欲不為是不可得也是獨可悲憐者又孰能罪而加怒焉汝勿殺也余悲其不得已而所為若是叩其脊諭而宥之其辭曰

吾悲夫天形汝軀夫一作子絕翼去足無以自扶曲脊屈脅

惟行之紆目兼蜂蠅色混泥塗

蜂音奉蠅丑邁切

其頸感惡頸一作

作其腹次且

上七私切下七余切

塞鼻鈎牙穴出榛居蓄怒而蟠

銜毒而趨志斲害物陰妬潛狙子余切汝之稟受若是雖

戮是扶

音迭

宥汝於野自求終吉彼樵豎持芟農夫執耒

不幸而遇將除其害餘力一揮應手糜碎我雖汝活其

惠實大他人異心誰釋汝罪形既不化中焉能悔嗚呼

悲乎汝必死乎毒而不知反訟乎內今雖寬焉後則誰

賚

一作賴

陰陽爾造化爾道烏乎在可不悲歟

憎王孫文

韓曰漢王延壽當為王孫賦有云顏狀類乎老

翁軀體似乎小兒王孫蓋猴類而小者也補注

陳長方云余當疑宥蝮蛇憎王孫文序已述其
意詞又述之聞丘鑄曰柳子晚年學佛書先述

其義乃作偈曰柳子熟
之下筆遂爾余為一笑

援王孫居異山德異性不能相容援之德靜以恒類仁
讓孝慈居相愛食相先行有列飲有序不幸乖離則其

鳴哀有難則內其柔弱者

難乃旦切

不踐稼蔬木實未熟相

與視之謹既熟嘯呼羣萃然後食衍衍焉山之小草木

必環而行遂其植故猿之居山恒鬱然王孫之德躁以

器

虛嶠切

勃諍號呶

上音豪下尼交切

啗啗疆疆

孫曰啗啗大聲也疆疆相隨貌

詩鵲之疆疆。啗

奇責又子夜切 雖羣不相善也食相啖齧

倪結切

行無

列飲無序乖離而不思有難推其柔弱者以免好踐稼

所過狼籍披攘木實未熟輒齧投注

齧下沒切
齧五殺切

竊取

人食皆實其噉

舊注以頻貯食蓋謂猿
藏食也。噉苦準切

山之小草木必

凌挫折挽使之痒然後已故王孫之居山恒蒿然以是

援羣衆則逐王孫王孫羣衆則齧猿

韓曰齧齧也仁
革切一作齧

援

棄去終不與抗然則物之甚可憎莫王孫若也余棄山

間久見其趣如是作憎王孫云

湘水之波漭兮

重曰湘水
出零陵郡

其上羣山胡茲鬱而彼痒兮

善惡異居其間惡者王孫兮善者援環行遂植兮止暴

殘王孫兮甚可憎噫山之靈兮胡不賊旃跳跟叫囂兮

跳徒雕切
跟呂唐切

衝目宣斷

舊注斷齒根
肉魚斤切

外以敗物兮內以爭

羣排鬪善類兮詳駭披紛

詳音華駭
下楷切

盜取民食兮私已

不分充噉果腹兮

韓曰莊子三殮而返腹猶果
然果如字又苦火切飽貌

驕傲驩

欣嘉華美木兮碩而繁羣披競齧兮枯株根毀成敗實

兮更起喧居民厭苦兮號穹昊

號音豪
足音珉

王孫兮甚可憎

噫山之靈兮胡獨不聞援之仁兮受逐不校退優游兮

惟德是傲廉來同兮聖囚

韓曰飛廉惡來紂臣也聖囚謂文王囚于羑里

禹稷

合兮凶誅

張曰謂舜禹稷去四凶

羣小遂兮君子達

小字下一本有人字

大

人聚兮孽无餘善與惡不同鄉兮否康既兆其盈虛

否備

鄙切伊細大之固然兮乃禍福之攸趨王孫兮甚可憎噫

山之靈兮胡逸而居

黃曰子厚憎王孫文以後喻君子王孫喻小人有志乎用君子而去

小人也當時君子孰賢於韓退之白居易小人孰甚于王伾王叔文子厚不與韓白為徒直節不屈乃附叔文以求進卒與八司馬同貶向謂韓眾則逐王孫今固不與後而從王孫以自取禍者耶

遂畢方文

并序

永州元和七年夏多火災日夜數十發少尚五六發過

三月乃止八年夏又如之人咸無安處老弱燔死

燔音煩

晨不爨

取亂切

夜不燭

夜一作瞑

皆列坐屋上左右視罷不得

休

罷音疲

蓋類物為之者訛言相驚云有怪鳥莫實其狀

山海經云章義之山有鳥如鶴一足赤文白喙其名曰

畢方見則其邑有譌火

孫曰已上皆山海經之文妖言曰譌譌與訛同五戈切

若

今火者其可謂譌歟而人有以鳥傳者其畢方歟遂邑

中狀而圖之襍而磔之

舊注磔裂也陟格切

為之文而逐之

后皇庇人兮敬授羣材大施棟宇兮小蔽草萊各有攸

宅兮時闔而開火災為用兮化食生財胡今茲之怪

戾兮日十藝而窮災藝如劣切朝儲清以聯遠兮夕蕩覆而

為灰焚傷羸老兮炭死童孩叫號隳突兮戶駭人哀袒

夫狂走兮張曰袒謂肉袒倏忽往來鬱攸孽暴兮孫曰哀三年左氏濟濡惟

華鬱攸從之注混合恢台韓曰楚詞九辯云收恢民氣不

舒兮僵踣顛頽僵音董踣匹候蒲北二切休炊息燎兮仄伏煨煤門

薨晦黑兮啓伺姦回若墜之天兮隆一作墮若生之鬼令行

不訛兮國恐盡已問之禹書畢方是崇

韓曰山海經乃禹所撰故云崇

還音嗟爾畢方兮胡肆其志皇亶聰明兮

童曰書亶聰明作元后亶信也

念此下地災皇所愛兮僂死無貳幽形扇毒兮陰險詭

異汝今不懲兮衆慙咸至

慙音訴

皇斯震怒兮殄絕汝類

祝融悔禍兮

韓曰祝融火神晉語黎為高辛氏火正光

回祿屏氣

孫曰左氏禰火於玄冥回祿玄冥水神回祿火神

太陰施威兮玄冥

行事

張曰楚詞考玄冥於空

汝雖赤其文隻其趾逞工

銜巧莫救汝死黯知亟去兮

黯下切

愚乃止此高飛兮翔

翔遠伏兮無傷

翔翔音教祥

海之南今天之裔汝優游兮可

卒歲皇不怒兮永汝世日之良兮今速逝急急如律令

辨伏神文

并序

余病瘡且悸

韓曰公又嘗與李建書云僕自去年八月末瘡疾稍已又與楊憑書云一二年来瘡

氣尤甚又云每人大言則蹶氣震怖撫心而按臍不能自止。瘡部郵切

謁醫視之曰唯伏

神為宜明日買諸市烹而餌之病加甚召醫而尤其故

醫求觀其滓

滓澱也壯士切

曰吁盡老芋也彼鬻藥者

鬻音育

欺

子而獲售子之懣也而反尤於余不以過乎余戍然慙

愴然憂

愴口

推是類也以往則世之以芋自售而病乎

人者衆矣又誰辨焉申以詞云

伏神之神兮惟餌之良愉心舒肝兮魂平志康毆開滯

結兮

毆音區

調護柔剛和寧悅懌兮復彼恒常休嘉訢合

兮

訢音忻

邪怪遁藏君子食之兮其樂揚揚余殆于理兮

榮衛塞極伏盃積塊兮

孫曰史記倉公傳陽虛侯病痺根在右脅下大如覆盃

悸

不得息有醫導余兮求是以食往沽之市兮

沽買也

欣然

有得滌濯纍烹兮專恃爾力反增予疾兮昏憤馮塞

憤胡

對反馮音憑

余駭其狀兮往尤於醫徵梓以觀兮既笑而嘻

曰子胡昧愚兮茲謂蹲鴟

孫曰史記汶山之下沃野有蹲鴟舊注蹲鴟芋魁也。上

音存下處之切

處身猥犬兮善植圩卑

孫曰圩卑謂下濕之地

受氣頑昏

兮陰僻歌危

歌丘宜切亦作歌

累積星紀兮以老為奇潛苞水

土兮混雜蜾蠃

韓曰蜾蠃子也蠃蟻卵也。上惟船切下文飢切

不幸充腹兮

唯瘡之宜野夫忤害兮

童曰忤根也音寘

假是以欺刮肌刻貌

兮觀者勿疑中虛以脆兮外澤而夷誤而為餌兮命或

殆而今無以追兮後慎觀之嗚呼物固多偽兮知者益

寡考之不良今求福得禍書而為詞今願寤來者

憩螭文

并序

零陵城西有螭室於江

補注零陵永州郡名說文螭若龍而黃一說無角曰螭。螭丑

支切法曹史唐登浴其涯

音祈螭牽以入一夕一作昔

浮水上

吾聞凡山川必有神司之抑有是耶於是作憩螭投之

江曰

天明地幽孰主之今

韓曰莊子天其運乎地其處乎孰主張是

壽善天殤終

何為兮堆山醺江

醺山宜切又所綺切

司者誰兮突然為人使有

知兮畏危慮害趨走祇兮父母孔愛妻子嘻兮出入公

門不獲非兮泚泚湘流

舊注泚泚水流貌二字並音伙

清且微兮陰幽

洞石蓄怪螭兮胡濯茲熱卒無歸兮親戚叫號閭里思

兮魂其安游覲湘纍兮

孫曰揚雄反離騷因江潭而淮記兮欽弔楚之湘纍注諸不以

犯罪死曰纍屈原赴湘死故曰湘纍○纍力追切

嗟爾怪螭害江湄兮

酒音涎

泳重淵

涎徐連切字當作次重平聲淵一作淵

物莫威兮鰲形決目

鰲力幽巨

糾二切

潛伺窺兮膏血是利私自肥兮歲既大旱澤莫施

兮妖猾下民使顛危兮充心飽腹肆教嬉兮洋洋往復

流逶迤兮

達於危切逶迤音移
又夷爾切亦作迤

惟神高明朝縱斯兮茂棄

無辜逞怪姿兮胡不降罰肅川城兮舟者欣欣游者熙
兮蒲魚浸用吉無疑兮牲牲玉帛人是依兮匪神之懇
將安期兮神之有亡於是推兮投之北流心孔悲兮

哀溺文

并序

韓曰文蓋指事寓意

與招海賈之說同

永之氓咸善游

永一作零陵二字童曰
游洄也說文行水也

一日水暴甚有

五六氓乘小船絕湘水中濟船破皆游

一作皆
浮游

其一氓

盡力而不能尋常

孫曰八尺曰尋倍尋曰常

其侶曰汝善游最也今

何後為曰吾腰千錢重是以後曰何不去之不應搖其首有頃益怠已濟者立岸上呼且號曰汝愚之甚蔽之甚身且死何以貨為又搖其首遂溺死吾哀之且若是得不有大貨之溺大氓者乎於是作哀溺

吾哀溺者之死貨兮惟大氓之為憂世濤鼓以風湧兮

浩漭蕩而無舟

況戶廣切

不讓祿以辭富兮又旁窺而詭求

手足亂而無如今負重踰乎崇丘既浮頤而滅臍兮

浮頤

一作 不忍釋利而離尤

韓曰離騷經進不入以離尤兮注離尤遭禍也。忍一作欲

呼號者之莫救兮

號音豪

愈搖首以沈沈髮披鬟以舞瀾

兮

張曰楚詞大招豕首縱目被髮鬣只注鬣髮亂也如湯切

魂俵俵而馬遊

俵丑良切又音

楸

龜鼈互進以爭食兮魚鮪族而為羞始貪贏以嗇厚

兮終負禍而懷讎前既沒而後不知懲兮更攬取而無

時休哀茲氓之蔽愚兮反賊已而從仇不量多以自諫

兮姑指幸者而為謀夫人固靈於鳥魚兮胡昧爵而蒙

鈞

童曰爵羅也爵音對

大者死大兮小者死小善游雖最兮卒以

道天與害偕行兮以死自統推今而鑒古今鮮克以保

其生衣寶焚紂兮

孫曰史記紂兵敗走入鹿臺衣其實玉自赴火而死

專利滅榮

孫曰國語周厲王好利近榮夷公芮良夫諫曰王室其將卑乎夫榮公好專利而不知大難

豺狼死

而猶餓兮牛腹尸而不盈

孫曰尸亦死也牛至死腹猶未滿

民既賀賀

而無知兮

賀音茂一無民字

故與彼咸謚為氓死者不足哀兮

冀中人為余再更噫

招海賈文

韓曰此文晁无咎取以續楚詞系之曰昔屈原不過於楚徬徨無所依欲乘雲騎龍遨遊八極

以從已志而不可猶怛然念其故國至於將死
精神離散四方上下無所不往又有衆鬼虎豹
怪物之宮故大招其魂而復之言皆不若楚國
之樂者招海賈文雖變其義蓋取諸此也宋元
以為崎嶇冒利遠而不復不如已故鄉常產之
樂亦以諷世之士行險僥倖不如居易以俟命
云○賈
音古

咨海賈兮君胡以利易生而卒離其形大海盪泊兮

盪音盪

蕩晏本
泊作汨

顛倒日月龍魚傾側兮神怪隳突

上還規切
下他沒切

滄

茫無形兮往來遽卒

子忽切

陰陽開闔兮氛霧瀟渤

上烏孔切

下蒲末切君不返兮逝恍惚

一無逝字
恍惚同

舟航軒昂兮下上飄

鼓騰趕嶢嶠兮

童曰嶢嶠危高也。趕敕角切。嶢音亮或書作堯嶢魚列切。

萬里一

觀率入泓劫兮

張曰率率嶢嶠也才律昨莫二切泓馬宏切劫於交切。

視天若泓

孫曰說文六尺為步步百為泓莫候切與晦泓同。

奔螭出抃兮翔鵬振舞天吳

九首兮

孫曰山海經云朝陽之谷神曰天吳是為水伯其為獸也八首八足八尾背青黃人面此作九

首恐誤

更笑迭怒垂涎閃舌兮揮霍旁午君不返兮終為

虜黑齒棧鰐鱗文肌

韓曰木玄虛海賦或泛泛悠悠於黑齒之邦注黑齒海外國名童曰

戲齒不正齟齬露也。戲士眼切齟魚塞切。

三角駢列耳離披

韓曰山海經鰐魚背腹皆

有刺如三角。反斷又牙踔欽崖。

重曰斷齒根肉踔踔也。欽登山高險也。斷魚斤

切踔勅教又尺約
勅角切欬音欬

蛇首狶鬣虎豹皮

韓曰沈懷遠南越志鮫魚鯉也形如

蛇而四足沈瑩臨海水土異物志虎鯢長五尺黃黑斑
文耳目齒牙有似虎形或變乃成虎○狶豕也音希

羣

沒互出謹遨嬉臭腥百里霧雨溷君不返今以充饑弱

水蓄縮

韓曰張衡思立賦亂弱水之潺湲今楚詞大招東有大海涵水淑淑只注東海其水渾溷沈沒

萬物也弱
一作溺

其下不極投之必沈負羽無力

孫曰山海經云崑崙之丘

其下有弱水環
之不能載鴻毛

鯨鯢疑畏

童曰鯨鯢大魚也

淫淫嶷嶷

魚力魚其二切

君

不返兮卒自賊怪石森立涵重淵

涵音含

高下迺置滔危

顛

童曰迺遮也
迺呂結切

崩濤搜䟽剡戈鋌

張曰鋌小牙時連切

君不返兮

嘉沈顛其外大泊平瀾淪

張曰平水名谷也瀾淪水深貌。平音平瀾於倫切

終古迴薄旋天垠八方易位更錯陳君不返兮亂星辰

東極傾海流不屬泯泯起忽紛盪沃殆而一跌兮

跌徒結切

沸入湯谷

孫曰淮南子云日出湯谷入虞淵韓曰離騷遠遊朝濯髮於湯谷注湯谷在東方少陽之

位

舳艫霏解梢若木

韓曰楚詞注若木在崑崙西極其華照下地孫曰淮南子云建木在

○廣都若木在建木西舳音軸艫音虛

君不返兮魂馬薄海若嗇貨號風

雷

童曰海神名曰海若

巨鼇領首丘山頽

韓曰列子渤海之東有大壑焉其中有五谷一

曰岱與二曰圓嶠三曰方壺四曰瀛洲五曰蓬萊而山根無所著隨波上下不得暫時先聖訴于帝使巨鼇十

五舉首而戴之造為三番六萬歲一文焉孫曰
天問云鼇戴山抃何以安之。鼇音教領戶敢反猖狂震

號翻九垓

孫曰易震雷號號號許逆反垓音該

君不返兮縻以推咨海賈

今君胡樂出幽險而疾平夷恟駭愁苦

恟音凶

而以忘其

歸上黨易野恬以舒

孫曰周禮險野以人為主易野以車為主易平也韓曰上黨潞州也

言天下平陸之地足以為賈而無虞也

蹈蹂原土堅無虞

舊注蹂踐也忍久如又二切蹈

徒到

岐路脈布彌九區出無入有百貨俱周游傲睨神

自如撞鐘擊鮮恣歡娛君不返兮欲誰須膠鬲得聖捐

鹽魚

重曰孟子膠鬲舉於魚鹽之中

范子去相安陶朱

韓曰范蠡既雪會稽之恥乃乘

扁舟浮江湖變姓名適齊為鳴夷子之陶為呂氏行賈

朱公治產積居與時逐言富者皆稱陶朱公

南面孤韓曰呂不韋陽翟大賈人也往來販賤賣貴弘

羊心計登謀謨

韓曰桑弘羊洛陽賈人子以心計言利

平準之法盡籠天下之貨於是民

不益賦而天下用饒賜爵左庶長

東郭咸陽齊之大賈鹽孔僅南陽

大治武帝時二人皆為大司農丞

智走諾爭下車逍遙縱傲世所趨君不返今謚為愚咨

海賈今賈尚不可為而又海是圖死為險魄今生為貪

夫亦獨何樂哉歸來兮寧君軀

五百家註柳先生集卷十八

欽定四庫全書

五百家註柳先生集卷十九

雜著

弔裴弘文

補註晁无咎取此文於變騷而為之說曰弔裴
叔文者宗元之所作也裴弘字叔周靈王之賢
臣為劉文公之屬大夫敬王十年劉文公與弘
欲城咸周使告於晉魏獻子蒞政悅裴弘而與
之合諸侯於狄泉衛彪侯曰裴弘其不殒乎周
詩有之曰天之所壞不可支也及范中行難
周人殺裴弘莊周云裴弘死歲其血三年而化
為碧蓋語其忠誠然也裴弘以忠死故弔云

有周之羸兮

羸力追切

邦國異圖臣乘君則兮王易為侯威

強逆制兮鬱命轉幽

轉一作輔

疹蠱膠密兮

疹恥忍切又音疹作疾蠱音古

也肝膽為仇

一作尤

姦權蒙貨兮忠勇以劉伊時云幸兮

大夫之羞嗚呼危哉河渭潰溢兮橫軀以抑嵩高圻陲

兮

張曰說文云陲山崩一曰山摧大爾切

舉首排直壓溺之不慮兮

壓乙甲切

溺奴伏切

堅剛以為式知死不可撓兮明章人極夫何大夫

之炳烈兮王不寤夫讒賊卒施快於剽殺兮

剽匹妙切殺古巧切

但就制乎強國

孫曰謂范中行之難范弘與之晉以為討周人殺范弘

松栢之斬

刈兮薪茸欣植

翁鳥孔切茸如容而隴二切

盜驪折足兮

孫曰周穆王八駿其

一曰盜驪

罷駑抗臆

罷音皮

驚鳥之高翔兮

驚音至

孽狐惴

驪音離

而不食

惴之端切

竊畏忌以羣朋兮夫孰病百而伸一挺寡

以校衆兮古聖人之所難矧援羸以威傲兮茲固蹈殆

而建安殺身之匪子戚兮閔宗周之不完豈成城以夸

功兮哀清廟之將殘嫉彪子之肆誕兮彌皇覽以為謾

韓曰騷云皇覽按子於初度兮謾平聲

姑舍道以從世兮焉用夫考古而

登賢指白日以致憤兮卒頽幽而不列版上帝以飛精

今黯寥廓而殄絕

黯徒敢切

竭馮雲以壯愬兮

童曰壯說文云飛聲音貢

一音紅

終冥冥以鬱結欲登山以號辭兮愈洋洋以超忽

心汨汨其不化兮

汨音五汨音鵠又胡姑切

形凝冰而自慄圖始而

慮末兮非大夫之操陷瑕委厄兮固衰世之道知不可

而愈進兮誓不偷以自好陳誠以定命兮侔貞臣與為

友

臣下一有以字

比干之以仁義兮

韓曰論語微子去之箕子為之奴比干諫而死孔子

曰商有三仁焉一本作比干之仁義兮一作比干之以仁義類兮一無義字

緬遠絕以不羣

伯夷殉潔以莫怨兮

童曰子貢曰伯夷叔齊何人也曰古之賢人也曰怨乎曰求仁而得

仁又
何忍

孰克軌其遺塵竒端誠之內虧今雖耆老其誰珍

古固有一死兮賢者樂得其所大夫死忠兮君子所與

嗚呼哀哉敬余忠甫

一作敬弔忠甫一
作敬弔子忠甫

弔屈原文

晁元咎序此文於變騷曰弔屈原文者柳宗元之所作也原沒賈誼過湘初為賦以弔原至揚雄亦為文而頗反其辭自崑山投諸江以弔之誼慈原忠逢時不祥以比鸞鳳周鼎之寃棄雄則以義責原何必沈身二人者不同亦各從志也及子厚得罪與昔人離境去國者異太史公所謂虞卿非窮愁亦不能著書以自見於世者故補之論宗元之弔原殆困而知悔者其辭慙

矣

後先生益干祀兮余再遂而浮湘

孫曰永貞元年九月公初貶邵州刺史十

一月再貶永州司馬湘水名出零陵縣陽海山北入北

求先生之汨羅兮

童曰屈原為楚

懷王左徒以上官大夫謫於頃襄王王怒遷之屈原至江濱被髮行吟澤畔乃作懷沙賦於是懷石自投汨羅以死汨水名在長沙羅縣音覓

曄蘅若以薦芳

韓曰離騷雜杜蘅與芳芷孫曰曄持也蘅杜蘅

若杜若並香草也。曄曾取切蘅音行

願荒忽之顧懷兮冀陳辭而有光

一作明

先生之不從世兮惟道是就支離攘攘兮

孫曰賈誼傳云

國制捨攘。捨干羊切攘如羊切

遭世孔疚

孫曰孔甚也疚病也詩我心孔疚。疚音究

華

蟲薦壤兮進御羔裘

韓曰書于欲觀古人之象日月星辰山龍華蟲作會宗彙注華象草也

華蟲雉也宗廟桑樽以華蟲等為飾壤土壤也羊小者曰羔夜衣袂左氏襄十四年衛石宰穀曰余孤裘而羔袖

先生之意蓋以言貴者不復用而賤者反得以進御云耳○羔音高喪與袖同北難伊嘯兮孤

雄束味

韓曰書紀難之展惟索之索味味也蓋亦以喻賢者不獲伸其味而小人反以肆其說耳○伊

嘯音伊憂味與蜀同涉救切

哇咬環觀兮蒙耳大呂

孫曰哇咬淫聲也梁元帝纂要

淫歌曰哇歌謂淫聲乃環而觀之間黃鐘大呂之聲則蒙耳而不聽也大呂六呂之一蒙蔽也○哇鳥瓜切咬

於交切

董喙以為羞兮

韓曰董鳥頭喙鳥喙皆樂之有毒者羞膳羞也○董音觀

焚棄

稷黍犴獄之不知避兮宮庭之不處陷塗藉穢兮

藉慈夜切

榮若繡黼櫜折火烈兮

韓曰櫜宜櫜周謂之櫜齊魯謂之櫜。櫜音表。

娛娛笑

舞

娛娛一作娛娛

諛巧之曉曉兮

舊注說文曉曉懼也詩曰子惟音曉曉。曉欣么切與恍

同惑以為咸池

孫曰咸池黃帝樂名

便媚鞠恧兮

恧女六切

美逾西施

韓曰離騷有西施之美容

謂謨言之怪誣兮反寘瑱而遠違

舊注瑱者以玉

充耳。瑱他句切

匿重痼以諱避兮進俞緩之不可為

張曰俞緩謂俞

跼秦緩也二人古之良醫

何先生之凜凜兮厲鍼石而從之

鍼與針同但

仲尼之去魯兮

去下一有含字

曰吾行之遲遲

韓曰孔子去齊接淅而行去魯

曰遲遲吾行也去父母國之道也

柳下惠之直道兮又馬往而可施

重曰

柳下惠為士師三黜而不去且曰直道而事人焉往而不三黜今夫世之議夫子兮曰

胡隱忍而懷斯惟達人之卓軌兮固僻陋之所疑委故

都以從利兮吾知先生之不忍立而視其覆墜兮又非

先生之所志窮與達固不渝兮夫惟服道以守義矧先

生之惓惓兮

惓苦本切
惓迫逼切

滔大故而不貳沈璜瘞珮兮

瘞於

計軌幽而不光荃蕙蔽匿兮胡久而不芳

重曰荃蕙皆
香草離騷蘭

芷變而不芳兮荃蕙化而為茅注荃蕙美香荃音孫

先生之貌不可得兮猶髣髴

其文章託遺編而歎喟兮渙余涕之盈眶

張曰眶目
眶音匡呵

晨辰而驅詭怪兮

韓曰謂屈原放逐見楚廟圖畫天地山川神靈摘詭及古聖賢怪物行事

書其壁呵而問之作天問

夫孰救於崩亡何揮霍夫雷

電兮

一無夫字

苟為是之荒茫耀姱辭之曠朗兮

張曰姱好也又音貌

曠目無睛直視也久不明。姱音孝曠音儻

世果以是之為狂哀余衷之坎

坎兮獨蘊憤而增傷諒先生之不言兮後之人又何望

平忠誠之既內激兮抑銜忍而不長芋為屈之幾何兮

韓曰國語融之與者其在芋姓乎芋楚姓屈楚同姓。芋音弭

胡獨焚其中腸吾哀今

之為仕兮庸有慮時之否臧食君之祿畏不厚兮悼得

位之不冒退自服以默默兮曰吾言之不行既愉風之

不可去兮

愉音偷

懷先生之可忘

黃曰賈生得罪於漢故文汨羅以弔屈皮日休

不用於唐沈文沅湘以悼賈賈之見攬有似賈生之才而枚闌長沙也其擬人固以倫矣子厚昵比匪人視三閭大夫相去幾驛乃徒追慕其文天對之辭傲騷十九慙惡深矣又不加省而枚文弔之亦足以發中流千古笑之

弔樂毅文

晁元咎曰弔樂毅文者宗元之所作也樂毅其先曰樂羊燕昭王以子之之亂而齊大敗燕昭王怨之未嘗一日而忘報齊也乃先禮郭隗而毅往委質焉以為上將軍下齊七十餘城田單

問之教畏誅遂降趙以書適燕惠王曰臣聞聖賢之君功立而不廢故著於春秋勇知之士名成而不毀故稱於後世公傷親之有功而不見知而以讒廢也故弔云是以附諸變騷。一本

作弔樂

生文

許縱自燕來曰燕之南有墓焉其志曰

孫曰志謂石刻

樂先生

之墓余聞而哀之其返也與之文使弔焉大厦之騫兮

風雨萃之

孫曰騫壞也

車亡其軸兮

孫曰大厦與軸皆以喻親

乘者棄之

嗚呼夫子兮不幸類之尚何為哉昭不可留兮道不可

常畏死疾走兮

補注此即上所謂畏誅降趙之意

狂顧徬徨燕復為齊

今

韓曰趙封穀於觀津號望諸君尊寵穀以驚動燕齊田單與燕軍戰逐燕北至河上盡復齊地東海

洋洋嗟夫子之專直兮不慮後而為防胡去規而就矩

兮卒陷滯以流亡惜功美之不就兮俾愚昧之周章豈

夫子之不能兮無亦惡是之遑遑仁夫對趙之惴歎兮

孫曰樂毅奔趙燕惠王使人讓毅且謝之毅報書云云誠不忍其故邦君子之容

與兮彌億載而愈光諒遭時之不然兮匪謀慮之不長

跪陳辭以隕涕兮

補注離騷檻茹蕙以掩涕兮霑余襟之浪浪跪數社以陳辭兮耿吾旣得

此中正踦長跪也巨凡切仰視天之茫茫苟偷世之謂何兮言余心

之不臧

言一作信

伊尹五就桀贊

黃曰觀人之言必求其意柳子贊伊尹謂其去湯就桀意桀改過而救民之速學者皆信其說蘇氏曰不然湯之當王久矣伊尹何疑焉桀能改過而不免於討可庶幾也能用伊尹而得志於天下雖至愚知其不然宗元意欲以此自解說其從二王之罪也蘇氏可謂能人意逆志矣韓曰公以附王叔文見逐嘗與許京兆書云早歲與負罪者觀善始奇其能謂可以共立仁義裨教化過不自料屢屢勉勵惟以忠正信義為志以興堯舜孔子之道利安元元為務不知愚陋不可力強其素意如此今又作此陰自解說以桀比叔文言其居勢順便可以速得志耳以叔

大為桀而以德宗為
湯是果公之意云

伊尹五就桀或疑曰湯之仁聞且見矣桀之不仁聞且
見矣夫胡去就之亟也柳子曰惡是吾所以見伊尹之
大者也彼伊尹聖人也聖人出於天下不夏商其心心
乎生民而已曰孰能由吾言由吾言者為堯舜而吾生
人堯舜人矣退而思曰湯誠仁其功遲桀誠不仁朝吾
從而暮及於天下可也於是就桀桀果不可得反而從
湯既而又思曰尚可十一乎使斯人早被其澤也又往

就桀桀不可而又從湯以至於百一千一萬一卒不可
乃相湯伐桀俾湯為堯舜而人為堯舜之人是吾所以
見伊尹之大者也仁至於湯矣四去之不仁至於桀矣
五就之大人之欲速其功如此不然湯桀之辨一恒人
盡之矣又奚以憧憧聖人之足觀乎

孫曰易憧憧往來
來憧亦容切 吾

觀聖人之急生人莫若伊尹伊尹之大莫若於五就桀
作伊尹五就桀贊

聖有伊尹思德於民往歸湯之仁曰仁則仁矣非久不

親退思其速之道宜夏是因就焉不可復反毫殷猶不

忍其遲亟往以觀庶狂作聖

章曰書惟聖妄念作狂惟狂克念作聖

一日勝

殘

張曰善人為邦百年亦可以勝殘去殺

至千萬冀一卒無其端五往不

疲其心乃安遂升自陟

音而

黜桀尊湯遺民以完大人無

形與道為偶道之為大為人父母大矣伊尹惟聖之首

既得其仁猶病其久恒人所疑我之所大嗚呼遠哉忘

以為誨

梁丘據贊

韓曰以孟子之賢而賊倉猶得以沮君梁丘據不毀晏子之賢是誠可取公之寃迺遠方左右近臣無一人滿之地者其

曰激贊梁丘據有以哉

齊景有嬖曰梁丘子

孫曰梁丘據字子猶齊之嬖大夫

同君不爭古號

媚士

韓曰昭二十年左氏齊使曰唯據與我和夫晏子曰據亦同也馬得為和君所謂可據亦曰可君所

謂否據亦曰否

君悲亦悲君喜亦喜

孫曰列子云齊景公遊於牛山北臨其國城而流涕

曰使古無死者寡人將去斯而之何據從而泣

曷賢不贊卒贊於此媚子所仇

激贊有以梁丘之媚順心狎耳終不撓厥政不嫉反已

晏子躬相梁丘不毀恣其為政實允理時睹晏子食

寡肉缺味愛其不飽告君使賜中心樂焉國用不墜後

之嬖君罕或師是導君以諛

音腴

聞正則忌讒賢叶惡民

蠹國圯

部郵切

嗚呼豈惟賢不逮古嬖亦莫類梁丘可思

又况晏氏激贊梁丘心焉孔瘁

霹靂琴贊引

霹音僻
靂音歷

霹靂琴零陵湘水西

補注曰零陵屬永州

震餘枯桐之為也

孫曰雷之甚者

為始枯桐生石上說者言有蛟龍伏其竅

童曰竅空一也音歎

夕暴震為火之焚至旦乃已其餘磴然倒卧道上

張曰磴石

聲苦東戶
宋二切

震旁之民稍柴薪之超道人聞取以為三琴

琴莫良於桐桐之良莫良於生石上石上之枯又加良

焉火之餘又加良焉震之於火為異是琴也既良且異

合而為美天下將不可載焉

孫曰不可載言美之至也載一作再

微道人

天下之美幾喪余作贊辭識其越之左與右

韓曰禮記宋強而疏

越注云越琴
咸孔也如字

以著其事又益以序以為他傳辭曰惟湘

之涯惟石之危龍伏之靈震焚之奇既良而異爰合其

美超實為之贊者柳子

尊勝幢贊

并序

以佛之為尊而尊是法嚴之於頂其為最勝宜也既尊而勝矣其為拔濟尤大塵飛而灾去影及而福至睦州

於是誠焉不疑

孫曰睦州謂李睦州也以李錡之叛得罪貶循州元和三年正月以赦量移永

州
礮石六觚

韓曰漢書破觚為圓斷珣為模觚謂方也。觚音孤

其長半尋乃策

乃刻立之為福馬孺人之墓

補注馬孺人睦州外婦元和五年五月卒於永因葬

馬公有太府李卿外婦馬淑誌見外集

儒人之生奉佛道未嘗敢怠今既

沒睦州又成其志擇最勝且尊之道文之於石以延其

休則其生佛所得佛道宜無疑也贊曰

世所尊兮又尊道勝無立兮以為寶拔大苦兮升至真
靈合贊兮神而神駕元氣兮濟玄津誰為友兮上品人
德無已兮石無磷音延永世兮奠坤垠靈受福兮公之勤

龍馬圖贊

并序

汪曰公嘗欲焚八駿之圖而獨於此
贊龍馬之圖豈可信而不誣者耶

始吾聞明皇帝在位靈昌郡孫曰靈昌
滑州郡名得異馬於河而

莫知其形

韓曰開元二十九年三月滑州刺史李邕
獻馬肉鬣鱗臆嘶不類馬日行三百里

好

事者派人盧遵

孫曰遵派人公之內弟

以其圖來示余其狀龍鱗

虺尾

虺許凡切

拳毛環目肉鬣

音微

馬之靈怪有是耶居帝開

為馬幾二十年從封禪郊籍

孫曰開元十三年十一月玄宗封泰山二十三年正

月耕籍田

鳴和鑾者數十事

鑾音驚

遇禍亂帝西幸

孫曰天寶十五年玄

宗幸蜀

馬至咸陽西入渭水化為龍泳去不知所終且其

來也宜於時其去也存其神是全德也既覩其形不可

以不贊

靈和粹異孕至神兮保尾童鬣

保力果切

䟽紫鱗分巍然特

欽定四庫全書

卷十九

出瑞聖人兮

韓曰顏延年緒白馬賦實有騰光吐圖時德瑞聖之符焉

理平和樂百

樂陳兮

百一作禮

鳴鸞在御大路遵兮

童曰詩遵大路兮

世龐道悖

龐莫江切

還吾真兮哀鳴延首慕水濱兮沛馬潛泳旋瀚淪

兮

張曰瀚淪水深廣貌瀚於淪切

淵居海逝靈無鄰兮出處孔時類至

仁兮嗟爾衆類孰是倫兮進昏死亂貼厥身兮

童曰貼猶危音

盟又都念切

匪馬之慕吾誰親兮贊之斯圖宜世珍兮

誠懼箴

韓曰或謂公憂懼二箴當王叔文將敗時作恐未必必然觀其辭意亦貶謫後作也

人不知懼惡可有為知之為美莫若去之非曰童昏昧

昧勿思禍至後懼

後一作而

是誠不知君子之懼懼乎未始

幾動乎微事遷乎理將言以思將行以止中決道符乃
順而起起而獲禍君子不恥非道之愆非中之詭懼而
為懼雖懼焉如君子不懼為懼之初

憂箴

憂可無乎無誰以寧子如不憂憂日以生憂不可常常
則誰憚子常其憂乃小人戚敢問憂方吾將告子有聞

不行有過不徙宜言不言不宜而煩宜退而勇不宜而
恐中之誠懇過又不及憂之大方唯是焉急內不自得
甚泰為憂省而不疚雖死優游所憂在道不在乎禍吉
之先見韓曰易幾者動之微言之先見者也乃可無過告子如斯守之勿
墮

師友箴

并序

黃曰子厚師友箴曰吾欲從師取友而天下無
可者必得仲尼叔牙而師友之退之師說曰師
不必賢於弟子弟子不必不如師聞道有先後
術業有專攻兩由退之之說則學者不敢恃已

之長有所資於人由于厚之說則學者輕人之能而終於自是韓柳優劣由此而判

今之世為人師者衆笑之舉世不師故道益離為人友者不以道而以利舉世無友故道益棄嗚呼生於是病矣歌以為箴既以儆已又以誡人

不師如之何吾何以成不友如之何吾何以增吾欲從師可從者誰借有可從舉世笑之吾欲取友誰可取者

董曰孟子尹公之他端人也其取友必端矣借有可取中道或捨仲尼不生

牙也久死韓曰鮑叔牙與管仲為友後薦仲於桓公以為相杜甫詩云君不見管鮑貧時交此道今

人素如土

二人可作懼吾不似中焉可師恥焉可友謹是二

物用惕爾後道苟在焉傭句為偶道之反是公侯以走

內考諸古外考諸物師乎友乎敬爾毋忽

敵戒

黃曰入則無法家拂士出則無敵家外患者國
常亡子厚敵戒其立意亦同孟子常竊思范文
子之言而後知孟子柳子之說有為而發文子云
惟聖人能內外無患自非聖人內寧必有外憂
此晉厲公侈文子欲釋楚為外懼之言也審此
則孟子之存敵國固以警戰國之君而子厚之
為敵戒亦為德

宗順宗設耳

皆知敵之仇而不知為益之尤皆知敵之害而不知為

利之大秦有六國兢兢以強六國既除詭詭乃亡韓曰謂秦

滅齊楚燕趙韓魏六國後不二世而亡詭詭自得貌又

淺意說文云欺也孟子詭詭之聲音顏色○詭音怡又

湯何切晉敗楚鄢音假范文為患孫曰成十六年左氏晉師

幼諸臣不佞何以及此君其戒之厲之不圖舉國造怨孫曰成十七年左氏晉厲公侈

多外嬖反自鄢陵欲盡去羣大夫而立其左右孟孫惡臧孟死臧恤藥石去矣

吾亡無日韓曰襄二十三年左氏孟孫惡臧孫季孫愛

我美疾也孟孫之惡我藥石也美疾不如藥石孟孫死吾亡無日矣智能知之猶卒以危

疾不如藥石孟孫死吾亡無日矣

智能知之猶卒以危

疾不如藥石孟孫死吾亡無日矣

疾不如藥石孟孫死吾亡無日矣

疾不如藥石孟孫死吾亡無日矣

矧今之人曾不自思敵存而懼敵去而舞廢備自盈祗

益為瘡

童曰說文瘡病瘡也音庚又音史

敵存滅禍敵去召過有能知

此道大名播懲病克壽矜壯死暴縱欲不戒匪愚伊耄

我作戒詩思者無咎

三戒

并序

東坡曰予讀柳子厚三戒而愛之乃擬作河豚魚鳥賊魚二說并序以自警見坡集

吾恒惡世之人不推己之本而乘物以逞或依勢以干
非其類出技以怒強竊時以肆暴然卒迫於禍有客談

麋驢鼠三物似其事作三戒

黃曰子厚三戒臨江之麋則為依勢以干非類者設

永其氏之鼠則為竊時以肆暴者設二說之機使強而貪者知所戒也點驢之戒其猶在得失之域乎使中才庸人得是說以匿名過迹不犯非分或得為之然仕於王朝人以點驢為戒不才者隱其不才而疑於有才不德者晦其不德而象於有德則列於庶位孰非吹竽之徒耶

臨江之麋

臨江之人畋得麋麕

童曰麋麕鹿子也音眉況

畜之入門羣犬垂涎

揚尾皆來其人怒怛之自是日挹就犬習示之使勿動

稍使與之戲積久犬皆如人意麋麕稍大忘已之麋也

以為犬良我友抵觸偃仆益狎犬畏主人與之俯仰甚
善然時啖其舌啖音淡三年麋出門外見外犬在道甚衆
走欲與為戲外犬見而喜且怒共殺食之狼籍道上麋
至死不悟

黔之驢

黔無驢有好事者船載以入至則無可用放之山下虎
見之屹然大物也以為神蔽林間窺之稍出近之慙慙
然莫相知

韓曰慙慙恭敬也孫
曰張斷怒貌魚僅切

他日驢一鳴虎大駭遠

遁以為且噬已也甚恐然往來視之覺無異能者益習
其聲又近出前後終不敢搏稍近益狎蕩倚衝冒驢不
勝怒蹄之虎因喜計之曰技止此耳因跳踉大闕虎檻切
斷其喉盡其肉乃去噫形之尤也類有德聲之宏也類
有能向不出其技虎雖猛疑畏卒不敢取今若是焉悲
夫

永某氏之鼠

永有某氏者畏日拘忌異甚以為已生歲直子鼠子神

也因愛鼠不畜猫犬

犬一作又

禁僮勿擊鼠倉廩庖厨悉以

恣鼠不問由是鼠相告皆來某氏飽食而無禍某氏室

無完器橈無完衣

童曰方言橈前几趙魏之間謂之橈一曰衣架禮記男女不同橈架。橈

音移飲食大率鼠之餘也晝累累與人兼行

累累追切

夜則竊

齧鬪暴其聲萬狀不可以寢終不厭數歲某氏徙居他

州後人來居鼠為態如故其人曰是陰類惡物也盜暴

尤甚且何以至是乎哉假五六猫闔門撤瓦灌穴購僮

羅捕之殺鼠如丘棄之隱處晷數月乃已

晷尺救切與與同鳴

呼彼以其飽食無禍為可恒也哉

五百家註柳先生集卷十九